

TNC5236.5/2107 (6)



6

46415

10413

聖朝名賢五言公孫芳夫全文辭表

表

文武百倫特進左丞相新國公臣周某等上表謹言伏  
在天方仰君德之德流如金諸賢剛聖作之祥宜紀呂服格未  
際中宵慕惟 皇帝陛下承讓不蕪受命薄將致養三宮賜本朝  
之家法參次為務得率土之民心正守備德積陰積解於赫明  
之象並將出震之符在奇大勝大勳請以九月四日為重朝節伏  
望 皇帝陛下俯察有情至誠命吉施高明建顯號修宮美祭  
之期祝聖國儲帝文伸臣民歸美之誠著之今甲付夜有司押  
增光天下幸甚臣等無任

請聖朝節第二表

臣等言進上表乞以九月四日為重朝節伏奉 聖旨不允者定命  
臣等言進上表乞以九月四日為重朝節伏奉 聖旨不允者定命



聖宋名賢五百家播芳大全文粹卷五  
表

請重明節表

文武百僚特進左丞相許國公臣周某等上表臣等言伏以飛龍  
在天方仰君臨之德流虹繞渚實開聖作之祥宜紀昌辰用昌脩本朝  
際中賀恭惟 皇帝陛下承謨丕顯受命溥將致養三宮脩本朝  
之家法參決萬務得率土之民心正宁俯臨積陰頓解於赫明離  
之象益暉出震之符臣等不大勝大願請以九月四日為重明節伏  
望 皇帝陛下俯察羣情亟頒俞旨施高明建顯號侈穹昊發祥  
之期披皇圖稽帝文伸臣民歸美之報著之令甲付在有司邦家  
增光天下幸甚臣等無任

請重明節第二表

臣等言近上表乞以九月四日為重明節伏奉批荅不允者受命  
若帝之初宜邦彛之具舉盛德如天之覆豈人欲之或違比鑿忱



辭願標令節未回聰聽曷副羣情臣等中謝伏以紀千秋之名雖曰唐舊允長春之請則在宋興况今非止循累代之成規蓋以侈重華之大慶顯號扶而未講盛旦鬱而弗彰謙雖益光理或未稱伏望 皇帝陛下茂昭鉅典亟發德音漢殿尊榮親奉玉卮之壽周行林蹈各陳金鑑之書豈惟光簡冊之傳實以副天人之望臣等無任

請重明節第三表

臣等言近再上表乞以九月四日為重明節伏奉批荅不允者淵聽未回確爾執謙之意忱辭游協歎然歸美之誠彛典不可以名稽衆心不可以屢哂敢控鳴<sub>上</sub>之請再干穆<sub>上</sub>之光臣等中謝竊以民之戴君自古有訓禮之飾治後世尤詳惟大德得其名故因誕彌而紀節雖先王未有之亦容增益之隨時當渚虹樞電之辰受岳貢川珍之集乃同常日夫豈人情今日博士議即固執于廷秩宗奉常各揚其職必期得請疇敢自安伏望 皇帝陛下聖度

東武劉氏嘉蔭後宋本校鈔

兼容大明委照帝祥三祝足昭挹損之懷臣同一心終冀允俞之命臣等無任

賀會慶節表

盛德當陽光啟重熙之運羣心就日樂推歸美之誠有開繞殿之祥敢罄祈天之禱中賀恭惟 殿下慶流有衍德合元種膺曆數以在躬垂衣裳而致治接黃帝推策迎日之緒以莫不增過周家定鼎卜年之期自今其始某承流支郡幸際昌辰鼇抃千官班阻趨于文石嵩呼萬歲祝敢後于華封

賀天中節表

黃屋非心茂對重明之運玉卮為壽聿臨載育之辰慶洽中天歡騰廣域中賀恭惟 尊號皇帝陛下至仁被世盛德在躬立聖政九百五條行堯之道履帝位三十六載薦舜于天得人時心至愉而形至佚為天子父貴無敬而富無倫既申命之用休宜降年之有永臣欽逢盛旦假守偏城即雲氣而望蓬萊阻陪拜手觀泰

元之授神策徒切傾心

賀天中節表

張全真

伏以大火中天協寔明寔昌之運祥虹流渚開載震載夙之期慶  
篤中祧福均夷夏中賀恭惟 皇帝陛下稟湯勇智躬禹儉勤念  
久履于此蒙期力圖于豐泰者觀風俗燭幽遠于耳目之前總攬  
權綱運寰區于指掌之上茲天休之中命見王化之復行將垂拱  
於巖廊永照臨于華夏臣猥分帥闡邀在海隅拱北所以馳神莫  
造鵷鴻之列指南山之獻壽敢殫犬馬之忠

賀天中節表

前人

伏以瑞表榮河協千載一時之嘉會聲呼喬嶽聲九州四表之歡  
心几託蓋容舉深林蹈臣某中賀恭惟 皇帝陛下禹功時懋湯  
聖日躋軫國步之多虞念時巡之淹久蓄威而待成道德之安強  
履順而行獲天人之佑助寔銷外侮坐致中興迎二聖以回壘置  
四方于奠枕必得其壽有聽于今臣叨領价藩欣逢聖旦葵藿雖

東武劉氏嘉蔭後宋本校鈔

晚不穆傾日之心蒲柳固衰但祝後天之筭

賀天中節表

受命於天誕啓真人之運盛德在火於昭炎正之時凡屬照臨咸  
知於蹈恭惟 皇帝陛下仁參化育孝格神明養福祿于無疆動  
惟克己永威懷于匪茹本不言兵治雖始于憂勤年自延于安樂  
臣遠御明命阻遙周行考三輔之黃圖初入中興之貢祝泰元之  
神筭益殫上報之忠

賀天中節表

汪彥章

星拱北辰誕膺樞精之瑞陽居大夏時昭火德之亨致景貺于層  
霄溢歡心于率土恭惟 皇帝陛下英謀天縱盛德日躋坐貽申  
命之休宜享降生之永臣籍通禁索戢守藩符祝萬壽以稱觴雖  
莫陪于近列揖九州之共寶猶及見于丕年

賀天中節表

華渚流虹契千齡之休運露囊獻壽傾四海之歡聲共逢生商之

辰少盡祝堯之意中賀恭惟 皇帝陛下睿知天錫聖德日躋道  
接周文膺三十世之大統功高光武當二百年而中興同日月之  
照臨與天地而長久臣出將使指阻奉燕朝空馳北關之心共禱  
南山之壽

賀天中節表

系隆我漢再造不圖濟哲維商篤生睿主當此離明之候是為震  
夙之期膺景福于萬年顙歡聲于四表中賀恭惟 皇帝陛下紹  
開基緒耆定寰區如日之升既闡照臨之德惟天為大克昭頌誕  
之祥順履休辰茂增神筭臣遊居遠服阻覲清光金鑑稱觴願獻  
南山之壽彤瑋結佩但存北關之心

賀天中節表

明明赫赫天垂後命之祥鬱々葱葱人望中興之氣是生哲后再  
纂鴻圖中賀恭惟 皇帝陛下睿智足以有臨神武本於不殺謹  
徽接下周宣王無以加修已得賢商武丁所不逮制制稽於四岳

東武劉氏嘉蔭後宋本校鈔

壽考宜于萬邦慶浹誕彌歡均率溥臣頃從金馬再領銅魚就日  
望雲阻聽珮環之響戴天履地同傾葵藿之心

賀天中節表

日永星火當萬物之長羸電繞斗樞摩一人之濬哲惟聖時憲有  
開必先中賀恭惟 皇帝陛下纂嗣基圖輯寧區宇處璣衡而觀  
大運所存者神和戎狄以正諸夷無思不服天休滋至王國克生  
榮光塞河屬千秋之令旦順氣成象同四海之歡聲忠我無彙綏爰  
有衆臣久陶化育敢在撫循陪百辟以稱觴阻趨藁所率九農而  
擊壤傾注葵罔

賀興龍節表

蕓子瞻

天祐我邦祥開是日山川貢瑞日月增華中賀伏以上聖所儲有  
慈儉不爭之寶輿情共獻蓋憂勤無逸之規不待禱祠而求自然  
天人之應恭惟 皇帝陛下堯仁舜孝禹儉湯寬德莫大于好生  
故以不殺為神武道莫尊于問學故以所聞為高明錫厥庶民嚮

用五福臣備員內閣出守郡畿雖違咫尺天威乃身在外而上千  
萬歲壽此意則同

賀興龍節表

秦少游

大呂飛反爰屬星迴之序靈樞統電實當聖誕之期凡屬生成所  
同抃蹈中賀恭惟 皇帝陛下裁成天地參動神明以言乎道則  
特盈而守成以言乎時則重熙而累洽昭哉嗣服續六聖之洪休  
大矣孝熙備三宮之至養清風發而羣英伏元首明而庶事康令  
節載逢鴻儀斯舉加籩折俎初藏露肘之醇擊石彈絲始奏鈞天  
之妙可謂一時之嘉會故得四海之歡心臣猥以葭莩廁于藩翰  
十章獻鑒空懷唐相之誠萬壽稱觴莫預漢庭之列

賀興龍節表

李成季

四序周而在朔方成一歲之功二陽進以為臨允協大君之吉篤  
生真主奄有庶邦紹六帝之休光歡兩宮之孝養車書所暨舞蹈  
攸均中賀恭惟 皇帝陛下聰明日躋智勇天錫應千齡而出震

東武劉氏嘉蔭錄宋本校鈔

操大器以乘乾虎嘯龍翔共覩聖人之作風行雷動坐躋萬國之  
寧眾賢濟乚以在朝至化新乚而美俗三靈助順六氣薦和人情  
胥悅于謳歌天祐沓來于福祿將窮冬律俯屬誕期載瞻虹渚之  
祥竊効封人之祝恭默思道允懷上帝之心安樂延年永邁南山  
之壽臣限拘符守阻趨闕庭

賀興龍節表

天祐民而作君惟德是輔帝生商而立子有開必先納富壽于方  
來寶兆基于茲日中賀恭惟 皇帝陛下文思天縱聖敬日躋以  
若稽古之心上遵王路行不忍人之政下酌民言神聽靖共天壽  
平格臣久經法從出領郡符奉萬年之觴雖阻趨于下列接千載  
之統猶及見于昇平草木之情日月所照

賀乾元節表

宋子京

鴻明代照累洽于昌辰景貺薦彰親逢于誕節書文所混歡蹈攸  
同恭以 皇帝陛下淵德日躋聖猷天縱靈承道蔭祇率詒謀啟



箴誦之廣途游文章之奧府總周文之九德兼虞舜之大功絕俗  
來同綿區作 後天獻祝咸罄于茲辰拂石延祥永隆于大業臣  
傾持荷橐奉事龍潛貧賤難工孤寒寡援百城郡竹敢傾就日之  
心萬壽稱觴莫豫在庭之列精虔禱願百常倍鈞伏限郡職所拘  
不獲奔詣闕庭

賀乾元節表

宋子京

夏籥啟和辰纏幾望本聖生之初旦著天會之昌期名節垂鴻綿  
區交慶中賀恭惟 尊號皇帝陛下丕承寶序駿惠光猷萬靈接  
乎馨香羣元舍于仁壽撫不羈之服未始加兵憲又新之銘居常  
待旦化洽無外思激有知每屬電極之神胥抃露囊之悃大被路  
寢普見羣臣執玉奉觴罄歡心而如一後天絙月續景筭以無垠  
震動休符昭明鉅禮臣向陪禁闥今殿侯藩僚盼景之鴻階隔玉  
官之鳧藻姑動抃祝永固熙隆

賀乾元節表

前人

東武劉氏嘉蔭後宋本校鈔

金魄就盈龍杓建已紀為誕節允煥休辰晝日月之照臨祝乾坤  
之悠永中賀恭惟 皇帝陛下膺符受籙出震體元乘火運以興  
王生正陽之令月體萬物之長治三光之建俗樂成康刑措文景  
梯山航海咸知中國之聖人就日望雲悉禱後天之遐筭臣滯守  
邊御徒詠聖辰阻奉萬年之觴但極雙鳧之躍

賀天寧節表

唐子西

穹昊儲休將永熙明之祚聖神應運丕承大定之基鳴社在晨際  
天共慶中賀恭惟 皇帝陛下寅恭克己孚惠得心自然堯舜之  
仁故能濟衆醇用成康之化幾致措刑政已逮于中和國遂臻于  
康靖爰紀誕彌之節宜增逸樂之年臣承乏遠方欣逢瑞旦身糜  
符竹空馳頌聖之誠日斷觚稜莫綴稱觴之末

賀天寧節表

電繞宸樞協千齡之景運星流華渚昭萬世之宏休天地發祥聖  
神誕降遇上帝生商之日傾下臣祝堯之心中賀恭惟 皇帝陛

下體道應時握符御極繼一祖六宗之志無二帝三王之功受寶籙于叢霄不承眷命納斯民于壽域永作若師車書同乎四方玉帛來于萬國臣出分小郡誤長遠人嚮日輸誠願獻南山之壽後天申頌阻稱北闕之觴

賀天寧節表

張全真

下武繼文遠遼昌運上帝立子甫屬誕辰儼圭璧以相趨舉臣隣而交慶中賀恭惟 皇帝陛下功昭祖武孝格上靈三典用中普洽好生之德五兵載戢坐收不殺之威允當華夏之心自致天人

賀天寧節表

晁之道

生而神靈固有流虹之瑞申以福祿遂膺受命之符運協熙聖慶符良辰天休畢至海宇均歡中賀恭賀 皇帝陛下事帝嚴恭保邦勤儉憂民甚脩世爭論于堯言秉德又新治益隆于舜孝積

東武劉氏嘉隆後宋本校鈔

協氣形為頌聲盛日月之光周八紘而並照如松柏之茂育萬寶以偕昌臣外參節旌密司管鑰上萬歲壽載馳魏闕之心成一家言不愧華封之祝臣無任

賀乾隆節表

晁無咎

必世而後臣故百業興于己治宜民者受祿則五福本于用敷人神克寧雅頌斯作欽遇誕彌之吉仰期於穆之休中賀恭惟 皇帝陛下續禹勤邦純文配命深明措國蓋在酌言道斯行而動斯和無非事者生不傷而厚不因所欲與之用能格精禋以降康交歡欣而養本大有天助豈徒河洛之効祥靈臺子來咸思父母之難老臣久塵冊府方領郡章慶五百歲之期親逢穀旦祝千萬年之壽祇劇葵心

賀乾龍節表

邵公濟

節紀千秋呼萬歲顧茲盛禮宜屬昌辰中賀恭惟 皇帝陛下德極高明惟惟恭儉不作無益自求多福御極之初獨念祖宗之

故事持盈之久將開堯舜之盛時如日月之照臨與天地而長久  
臣屬將遠使阻綴近班方共仰于龍飛宥有同于鼈抃

賀聖節表

乾龍飛五式觀天子之當陽嵩岳呼三爰慶聖人之出震聲教所  
暨鼓舜攸同臣某中賀恭惟 皇帝陛下學本生知聖由天縱肇  
無疆之大厯開萬世之宏基光臨兆聖之期競祝後天之筭臣限  
拘邊壘阻叩帝闈就日望雲心空馳于北闕捧觴稱壽誠願祝於  
南山

賀聖節表

律生大呂會逢彌月之辰運協千年方篤作邦之慶照臨所暨鼓  
舞攸同臣某中賀恭惟 皇帝陛下濬哲生知聰明天錫受新維  
之大命興肇造之宏區乃聖乃神運唐堯之帝德克勤克儉績夏  
禹之神功駕馭英雄修明法度萬方拭目仰虹流電繞之祥四海  
激心祝地久天長之筭臣濫分漢竹方遠堯雲百辟捧觴阻趨於

東武劉氏嘉蔭後宋本校鈔

魏闕萬年獻壽願効於華封

賀坤成節表

晁元咎

建畢占中曆紀金行之始任姜協聖禮嚴坤德之成率土傾心後  
天申祝中賀恭以 太皇太后陛下慈仁世濟濬哲生知昊穹所  
懷宗廟攸享配烈祖勤勞之禮隆嗣王保佑之功盈成祇謹于薄  
冰豐美大蒙於潤澤式虔至養允答常尊誕惟考室之祥肇建登  
禾之候謳謠歸美華夏舉同伏願 太皇太后百順咸臻三靈共  
贊天高地厚扶不拔之鴻基松茂竹苞資無疆之妙筭臣限居輪  
守阻豫臯息趨

賀坤成節表

秦少游

聖誕當朝嚴秋在序協氣蟠乎穹壤頌聲溢乎華戎中賀伏惟  
太皇太后陛下德並神明功參覆載斷鼈立極追配于螭皇用楫  
濟川責成于傳說忠謀入而姦黨破弊事革而嘉應來巍乎在唐  
虞之間卓然出馬節之右嘉辰既屆率土交歡臣猥緣肺腑之親

四分符竹之寄前瞻觀闕阻奉萬年之觴退託封章庶比千秋之鑑

賀元會表

王介甫

漢儀高會方登四海之圖周曆俯頌乃獻百官之象中賀恭惟  
皇帝陛下含德淵懿撫辰休嘉來姑射之雲龍所更者化存胥敷  
於蓬艾各遂其生運與日升道侔乾始臣尚依粉社獨隔楓宸緬  
瞻朝著之班竊慕封人之祝

賀元會表

秦少游

十二月為正既前稽于夏道二千石上壽仍參承于漢儀盛旦載  
逢彛章具舉中賀伏惟 皇帝陛下財成天地參並神明命義和  
之二官謹春秋之五始調和元氣撫御中樞肆屬春王之朝肇修  
元會之禮雞人呼旦庭燎有光外則虎賁羽林嚴宿衛之列內則  
謁者御史肅班行之容漏未盡而車輅陳蹕既鳴而鼓鐘作應龍  
高舉雲氣畢從北極上臨星宿咸拱受四海之圖籍拜萬國之衣

東武劉氏嘉蔭錄宋本校鈔

冠歲日月時于焉先正聲明文物粲爾可觀邁康王鄧宮之朝揜  
高帝長樂之事藹頌聲而並作鬱協氣以橫流臣比遠天光遠更  
年鑰戕居藩國莫瞻龍衮之升心折宸居但想數樽之列

賀元會表

太昊司春王者大乎居正天子當宁聖人所以履端榮盛典之潤  
希泝羣心而踴躍中賀恭惟 皇帝陛下王功歲省帝德日新考  
圖稽于三朝來玉帛于萬國家宰獻嘉禾之八史奏豐年鄉老登  
賢能之書時當天比天人和會福祿繁多臣竦聽上儀冒居邇列  
路朝千里莫瞻庭燎之光韶華九成驟起鈞天之慶

賀元會表

嗣歲更端寶曆載新于大號眾星拱極絳袍新御于法宮闡象魏  
以頌常履春朝而謹始誕敷成命昭示多方臣某中賀伏以行夏  
正而奉三微被舜衿而朝百辟具典祀則豈特甘泉之上計施德  
澤則非徒宣室之受釐祭戟峙而天陛嚴蕭韶張而樂府脩九賓

就列肅冠珮而集鸞鷟五輅在庭建旂常而載日月數名實則收  
就列肅冠珮而集鸞鷟五輅在庭建旂常而載日月數名實則收  
十載亨嘉之會黼黻皇業編蕙章恭惟 皇帝陛下若古大猷  
躋時桓撥運德乎聖神文武之上儲精乎蟬蛸蠖濩之中勤勞萬  
機經理百度講祓容之希潤增盛旦之光華臣年迫桑榆迹羣糜  
鹿久嬰謫籍寔遠清光附鳳攀龍莫與稱觴于北面擊壤鼓缶唯  
祈介壽于南山

賀元會表

夏正三朝肇啟孟陬之紀禹會萬國爰用太紫之庭熙事告成含  
靈咸豫中賀窈以魯史之大一統蓋謹天端周官之別八賓莫先  
春見故自昔迓衡之際有朝元來賀之儀謂環以列星拱宸居而若  
極則遠夫慶陞聖人主以如堂於赫昌期載隆懿典恭惟 皇帝  
陛下光照嗣服丕冒寰區儲神獲螭之間既歸于治稽古禮文之  
事方采其宜適因頒曆之初肆舉受圖之舊詢朝政以恤民隱究

東武劉氏嘉蔭後宋本校鈔

皇儀而展帝容綿叢遽陳哂前聞于長樂歆尊爰設備遺式於咸  
寧鳳來應于九成山自稱于萬歲臣濫當上計遐阻奉觴不意微  
生見藝祖克元之德但慚能賦之東京平子之辭

賀元會表

汪彥章

二儀交泰躬寶曆以履新萬寓駿奔御端明而受祉恭惟 皇帝  
陛下德惟天合聖與日躋薄海內外而悉主臣觀時會通而行典  
禮乃承千載之統大講九賓之儀列侍東曹猶想漢儒之表著邈  
居南紀願同江水之朝宗

賀元會表

石敏若

春入東郊協四方之正朔星環北極拜國萬之衣冠盛禮傳聞普  
天交慶中賀恭惟 皇帝陛下續禹之服行堯之道陰陽和而寒  
暑平法度彰而禮樂著式當穀旦寅舉上儀燎設廣庭香飄合殿  
羽林神策高瞻帝座之尊瀚海陰山同上聖人之壽臣恪居支郡  
阻造路朝班慙授民已應飛灰之葭管稱觴望闕徒頌向日之葵

心

賀元會表

接千歲之統方啟昌期盛九賓之儀大朝獻歲會簪纓于率土瞻  
旒宸于中天中賀恭惟 皇帝陛下道冠羣倫澤流倍世天休滋  
至如受命之維新治具畢張見修文之益俗某久塵法從叨領真  
祠聞盛典之復行與羣情而交慶 四海之籍遙企于垂衣奉萬  
年之觴莫陪于舞手

賀元會表

一元紀歲既遠取于夏時九陛傳觴亦兼循于漢制肆均美福廣  
被多方中賀恭惟 皇帝陛下寶連中興上儀再舉千官盡肅益  
知天子之尊萬物咸新共覩聖人之作臣昔陪近侍久去周行疾  
病滯留阻執大庭之費夢魂髣髴如聞長樂之鐘

賀正表

趙德莊

帝出乎震載更堯曆之新斗合於寅允協夏正之建慶叢上日祥

東武劉氏嘉蔭錄宋本校鈔

應昌期中賀恭惟 皇帝陛下道妙彌綸誠參化育璇璣密運天  
地節而四時成玉燭均調陰陽和而萬物得干戈載戢礼樂備興  
皇極錫民方順發生之令大鈞播物咸歸仁壽之途臣職在守符  
神馳魏闕接千歲之統親逢有道之長奉九行之觴遙慶太平之  
福

賀正表

臣某言三陽交泰正元會于路朝萬國傾心觀法則于象魏臣某  
中賀恭惟 皇帝陛下天臨四海子惠萬民應運撫期方御無疆  
之歷對時育物宜膺滋至之休臣假守邊陲遙瞻帝闕上千萬壽  
阻稱慶殿之觴同億兆人遠効華封之祝臣無任

賀正表

璿政更端會三元而啓祚王春正始開萬彙以咸新臣某中賀恭  
惟 皇帝陛下舜德誕敷文謨丕顯永御無疆之歷光膺至治之  
休與物為春當青陽而出令順帝之則處黃屋以非心嗣歲並興

羣情交泰臣濫居邊闡權守却符獻頌梅觴雖阻陪于漢殿望雲  
就日惟新祈戴于堯天臣無任

賀正表

氣肇清陽誕布始和之令春回丹禁聿修首祚之儀慶寵三元歡  
騰萬宇恭惟 皇帝陛下凝神昭曠受命溥將并鉞參旂師干  
而弗用箕風畢雨霈解澤以旁流何福不除有室大競臣獲叨  
慶賴久冒慈憐鴛緞充庭共仰瞻于北極椒觴荐壽敢虔頌于南  
山

賀冬表

呂伯泰

羲取迎長厯既傳于大舜魯基書瑞雲咸望于帝堯凡厥含生胥  
為善頌恭惟 太上皇帝陛下妙參三極高蹈百王游物之初坐  
毓滋明之暈御氣之辨默符亨長之陽履休辰脩膺純嘏臣等  
俯偕羣生仰跂太清本元一起數載推于一復父心子心並明  
永協于兩離臣無任

東武劉氏嘉蔭後宋本校鈔

賀冬表

張欽夫

律應中候聲迎長景宜人神之贊善輔宗祏以儲林中賀恭惟  
皇帝陛下重堯之華行禹之智顙俊以尊上帝斂福而錫庶民周  
典是遵待彼陰陽之定義文默現見夫天地之心臣叨奉藩條阻  
陪班綴天子萬壽敢忘歸美之誠王者三微願廣好生之德

賀冬表

王介甫

庶彙潛萌上儀亞歲室告氣行之協臺占瑞至之嘉伏惟 皇帝  
陛下考敷復以中天籲朋來之衆俊剛健之德與陽皆亨壽昌之  
期如日方永臣叨榮近列嬰疾殊方亮趨獨後于在庭爵躍寶深  
於存闕

賀冬表

氣復黃宮茂對物資之始晷移北陸寅賓日至之長中賀伏惟  
皇帝陛下道與時行化猶天運嗣無疆而履位建有極以宜民甫  
臨陽長之期大襲福綏之慶臣思容居里病阻造庭雖薦壽以無

階顧馳心而曷既

賀冬表代

晁元咎

經謹周正歷推子朔景向窮而長至卦剝盡而復來慶始宮闈歡  
均海縣中賀恭惟 皇帝陛下中和致理仁孝承祧化本時行  
元統天而不息德方日起明出地以無疆觀臺道中民物之康濟居  
待陰陽之定履端于始求福不回臣親托本支生陶惠愛傾一心  
而猶懼祝萬壽以如山

賀冬表

汪彥章

日官眊日于朝告陽未復天子承天之意與物咸亨爰修垂歲之  
儀懋履對時之慶中賀恭惟 皇帝陛下誠參化育幽贊神明朔  
復朔而謹治歷之端刑無刑而體好生之德推步舒長之景數得  
周正道遙供奉之班心存魏闕

賀冬表

晁元咎

易謹閉關蓋待陰陽之定傳先書物以知天地之祥惟昔宅尊與

東武劉氏嘉蔭移宋本校鈔

人同慶中賀恭惟 皇帝陛下剛柔體道動靜得時齋戒自修將  
神明其至德裁成與合用左右以斯民薰陶太和積累至治臣本  
支同體茅土分封擬續周詩申百福而干祿敢忘漢禮稱萬壽以  
獻觴

賀冬表

汪彥章

三微肇聚方迎舜日之長萬類傾心同望堯雲之遠恭惟 皇帝  
陛下功齊列聖道冒羣倫溫柔寬裕而足有容夙諧民諧進退存  
亡而不失正允合天心理極屯艱時當亨復久違溫清徒軫夙宵  
聽嶰谷之新筩于占則吉之襄城之法駕不日而旋

賀冬表

王介甫

候始三微氣萌萬彙謹觀臺之占瑞亞獻歲以陳儀臣某中賀恭  
惟皇帝陛下祇適燕謀靈承休運先一陽而獨復斂諸神以朋  
來臣屬州養痾藹然在遠傾心舜日欣寶景之踐長首堯天祝  
壽祺而等久臣無任



賀冬表

王介甫

萬寶潛萌應黃鐘之協氣百工胥慶亞正歲之上儀中賀伏惟  
皇帝陛下體御至神詔陽獨智武烈丕承乎前載堯明光被乎多  
方茂對斯時脩膺諸福臣比緣哀疾獨遠清光雖存闕之不忘乎  
造庭之未獲

賀冬表

汪彥章

日官推三統之元茲為終始王者會八能之士以卜豐凶惟亞歲  
之佳辰啓後天之遐福恭惟 皇帝陛下道隆治古澤在生民雖  
孔子之居九夷沒忘其陋効黃帝而從七聖未免于迷既陽復于  
黃宮宜慶回于丹扆違顏滋久結恋殊深上漢殿萬年之觴莫諧  
未願御穆王千里之駿惟祝遙歸

賀冬表

仗以葭莩潛動氣騰緹室之和芸荔已萌陽應黃宮之候雲容呈  
瑞日馭迎長恭惟 皇帝陛下精一執中時幾勅命不役耳目陶

東武劉氏嘉隆後宋本校鈔

萬寶于化鈞載戢干戈納含生于壽域對初陽之令節藏亞歲之  
上儀萬國攸同四方來賀臣叨榮端揆率屬周行春八千而秋八  
千共祝延鴻之筭踴三百而躍三百徒深抃蹈之誠

賀冬表

七政上齊協璣衡于景至九儀下辨旅圭璧于陽生休氣函蒙祲  
容飭脩恭惟 皇帝陛下道原皇極化浹泰和天地之心玩義文  
而未復日月所照觀周正之偏頌同軌同文時萬時億臣等蹟汗  
班綴日睇陛廉南面而朝羣臣雖亞歲彛章之舊北鄉而壽慈極  
寶熙朝慶典之新臣無任

賀正旦表

中山內翰

臣某言伏以蒼祇授職寶冊吏端斗杓建而環壤皆春庭燎明而  
叙朝允肅中賀伏惟 尊號皇帝陛下體元居正藏用顯仁推至  
信以合時保太和而庶俗中機鑿遠奉靈德以彌寅秘祉來同作  
健行而有裕臣以叨分外祿限守列藩莫陪星拱以稱觴徒効嵩

呼而摠頌祇歡悚戀倍萬殊情臣無任

賀月旦表二月

臣某言伏以中和紀朔初吉協辰擊幽鼓以宣陽奮豫雷而振蟄  
中賀伏惟 尊號皇帝陛下燭明庶政慈行羣生時祀迪于齋莊  
神頤洽于優裕介其豐社允致丕寧而臣遵職攸拘違顏茲邈莫  
接鸞鷲之序但傾駕蹇之誠祇仰宸闈精爽飛越臣無任

賀月旦表三月

臣某言伏以靈氣融春庶萌達壤浮棗將修於元禊拂桐適應於  
嘉時中賀伏惟 尊號皇帝陛下躬攬萬機咸宣九德奉上昊而  
致潔居右介以敷和摠集丕祥允諧至治臣以恪分事任莫廁班  
朝徒歌蕩之風靡罄悽悽之懇臣無任

賀月旦表四月

臣某言伏以炎德司方正陽命朔風薰兮而發詠麥蔚若以擢芒  
中賀伏惟 尊號皇帝陛下威大復尊盈成固業體高明而柔克

東武劉氏嘉蔭覆宋本校鈔

迪淵默以雷聲率邁元猷丕臻珠至化既保天襟而允穆洽聖治以允  
寧而臣尸眈連城馳心曉闕莫廁影纓之列徒深抃嶽之誠逖頌  
亨嘉倍萬悚款臣無任

賀月旦表五月

臣某言伏以中暑宣和重離協盛雨濯枝而咸霈糧栖畝以斯豐  
中賀恭惟 尊號皇帝陛下執粹研幾顯仁熙志撫萬邦而有謚  
勅五典以彌悖履茲化育之辰允契高明之德臣以遠天咫尺仰  
稟聖條洽九序以同歌越三階而罔獲荷恩寔久存戀增勞

賀月旦表六月

臣某言伏以函鐘命律溽暑協時頒冰式考于周儀沉李聿彰於  
魏典臣某中賀伏惟 尊號皇帝陛下體元稽古乘正御邦敷五  
教而在寬庇羣生而成叙允懷靈頤克迪鴻祥臣歛遠宸闈適切  
藩守辨色莫陪于星拱傾心徒切於嵩呼臣無任

賀月旦表七月

臣某言伏以少昊肇秋亢陽舉令登周禾而告稔烹豳菽以薦嘉  
中賀伏惟 尊號皇帝陛下端宸宅中握基撫衆廓帝紘而可大  
錫民極以保和天祉益新聖慶斯茂臣以忝尸郡祿阻奉朝威祝  
彌德以惟虔望長安而伊邇抃詠延企寶萬常鈞

賀月旦表八月

臣某言伏以星杓建酉雲曲流商衡渠之畫刻平分華表之夕音  
互警中賀伏惟 尊號皇帝陛下淵默而聖清明在躬教以絜靜  
體元聽以儉慈庶俗五紀協用克彰屢省之勤百家備舍允迪順  
成之祉彌膺丕貺誕保鴻名臣以恪守蕃條緬瞻魏觀但結存心  
之戀莫陪訓則之規臣無任

賀月旦表九月

臣某言伏以金祇協序霜隼勝威休工爰考於載經省斂聿符於  
夏諺中賀伏惟 尊號皇帝陛下德昭可久著威亨總步驟於  
前猷洞希微於五月年尚敦冲挹推奉靈元聿懷天祉之多式庇人

東武劉氏嘉蔭錄宋本校鈔

倫之衆永惟孚佑率迪熙康臣以祇守郡條邈違陞戟西序莫陪  
於就列中山徒切于存心臣無任

賀月旦表十月

臣某言伏以神頊執權郊祇順祀黨正舉勞農之典風人詠納稼  
之期中賀伏惟 尊號皇帝陛下維御萬邦熙明百志奉天時而  
允若荷靈祉以來同高居靜淵慈保黔庶省歲之功允茂體乾之  
德彌昭臣以幸易藩封密鄰圭甸望鬱葱之佳氣恭認堯茨陪鏘  
濟之清班尚違漢城疲駕感戀夙夕以之臣無任

賀月旦表十一月

臣某言伏以星昴正時律鐘推本雲儼霄而同色 冒霰以舍禁  
中賀伏惟 尊號皇帝陛下端宸凝神處機觀運禮樂崇其醜化  
天地參其茂功介慶祉以惟新保亨基而彌大令辰攸履純既允  
歸臣以濫假圭符邈瞻扁禁祇守作孚之式阻趨辨色之朝就戀  
信誠倍萬常品

賀月旦表十二月

伏以水行攸序月紀司周奉厲飾以順政介寵熙而修禘伏惟  
尊號皇帝陛下撫清寧之運播鴻卷之休恭已御邦對時育物化  
敦九一薄無外以安瀾神輔百成祚惟明而合吉臣以恪修民職  
邀企聖威阻趨建禮朝徒結子牟之戀

賀正旦表

璿政更端蒼塗獻祉惟新萬物是號三朝中賀恭惟 皇帝陛下  
統揖天元奮熙民極洪休衍而俾熾庶品動之斯和光啓華正交  
修慶典均時億澤與春游臣恪領左符方遙外屏想虎 之正扼  
陽鳧藻之趨翔

賀月旦表二月

日旅園鐘月躔營室祀謹開冰之潔禮修合扇之常中賀恭惟  
皇帝陛下總一剛權混齊聲教撫五辰之善應迎萬寶之黃旗聿  
履載陽交孚億祉臣適司郡政曼阻朝聯遙翔鷺以無從擁緋魚

東武劉氏嘉蔭後宋本校鈔

而增揚

賀月旦表三月

協氣熙蒸幽萌普達歌惠風於霄館潔元禊于陽濱中賀恭惟  
皇帝陛下建治民中持盈天則包九圍而無外御六辨以載和啓  
朔茲臨儲休云億臣適應嬰州務寢阻朝聯東華帶之襜如企端  
闡而勤止

賀月旦表四月

月紀正陽律推仲呂琴軫歌風之序天麩薦寢之常中賀恭惟  
皇帝陛下昭德九圍垂精衆甫道迎協氣之廣物遂崇邱之宜告  
朔普頌凝罔順嚮臣恪司守組延注朝旂邀觚鳳之雙軒羨鳧鳧  
之歸翥

賀月旦表五月

炎夏雲中晏陰茲定里俗記浴蘭之候禮經標聚藥之辰中賀伏  
惟 皇帝陛下總道研幾登皇接統播長羸於萬寶戒翁習之千

祥吉朔順頌泰和交嚮臣恪守虎竹遠違奎閨瞻所仗以無儲望  
郁雲而增企

賀月旦表六月

畢雨時行溫風普至令紀為螢之候時標振羽之宜中賀伏惟  
皇帝陛下蠖獲凝神煥巍布治維泰山而定業括輿地以貢珍順  
改朔辰叢昭秘賦臣限司郡印胥隔朝棲空存標闕之心莫綴有  
規之序

賀月旦表七月

風御回涼火躔流景漢祀封牲而迪薦幽風鳴鷓以告農中賀伏  
惟 皇帝陛下握紀建中察璿布度擁上靈之丕祐俾西秩之善  
成吉朔昭臨素商胥應臣違顏嚴所假守郡藩歸國末期影纓攸  
阻臣無任

賀月旦表八月

月協仲商天澄西灝謹鄉籩而達氣灑邱麥以趨農中賀伏惟

東武劉氏嘉蔭後宋本校鈔

皇帝陛下濬哲在躬顯印布度贊三儀而念用總六氣以財成昭  
屆朔辰翕孚鴻祉臣恪司州戟曼阻朝塗身同太史之留目僚長  
安之遠

賀月旦表九月

霜清曠日風勁霄雲凝鐘韻以豐阿茱菊英于潭溪中賀恭惟  
皇帝陛下業隆下武仁濟羣元總百度以建功擁萬祥而成歲朔  
辰順履靈佑丕昭臣祗佩印章曼遙城齒傾億傳鷄之唱莫瞻棲  
鳳之華

賀月旦表閏九月

日委餘躔月分重琯謹王扉之盛禮積霜霜昊之肅辰中賀伏惟  
皇帝陛下執契御邦奉宸布度保合三儀之要扶成萬寶之常薦  
朔普頒繁祺叢賦臣遠嬰州務久隔朝猷擁孤想于半符羨歸飛  
之兩寫

賀月旦表十月

上冬協序良月標祥肅天子以藏虹戒民閤于瑾戶中賀恭惟  
皇帝陛下述敷星象載輔天宜極崇彙于崇邱架大時于和燭朔  
辰順吉蕃昨昭膺臣恪守候圻遊懷朝恰怡然心企恨不肉飛

賀月旦表十一月

天正紀月昂陸司辰流愛晷于圭躔集祥靈于鴈項中賀恭惟  
皇帝陛下至仁茂育昭德聞綏萬寶之屢豐納羣元之俾壽坐  
堂更率整寓崇禧臣一阻班聯五遷盈肚恪守外符之謹長懷左  
城之華

賀月旦表十二月

星合回躔月音窮琯五種頌而載耨七駒駕而于政中賀伏惟  
皇帝陛下乘正膺圖建猷順古漸車文而溥海擁瑞福以如山告  
朔延頒迎年永鑿臣近違塗祀遐奉紬書造雞羽以無階僚雲衷  
而增企

東武劉氏嘉蔭篋宋本校鈔



聖宋名賢五百家播芳大全文粹卷六

表

賀改元表

趙德莊

履端於始方介壽於兩宮謂一為元用同文於四表詔音誕布品  
物均歡中賀竊以天作高山億萬年而不拔龍飛白水二百載以  
中興啓祐昌辰若稽成憲兼舉鴻名之懿一標鳳紀之新歲有虞  
上日之儀王春無外符正觀元正之義聖孝彌光恭惟 皇帝陛  
下清明在躬勉強行道南鄉三遜歷數自歸五日一朝德教如饗  
法乾行而利見觀泰象以財成爰因卜年明示初政規摹宏遠偉  
茂夏之前聞光訓荅揚極子孫之茂烈臣濫宣寬大親際休明告  
以昭時竊仰三朝之盛授茲神筭願占九會之期

賀改元表

神休當至昭示聖時歲號更新欽承天意布宣萬國鼓舞羣情中  
賀恭惟 皇帝陛下 一德咸通三靈春佑諸福之應緣類而來明

照下土則神光燭天澤潤生民則甘露如雨欲付以享邦之慶又  
中以受命之符皆前世所罕聞不踰時而乘上載諸簡冊播之聲  
詩猶未足著無窮之傳復何以表非常之貺大將詔世宜重紀元  
太史編年無愧祖宗之美明堂頌曆永同天地之期

賀北郊禮成表

江彥章

講頌祇之美報修宗祖之上儀天驛順從海隅胥悅中賀恭惟  
皇帝陛下德業淵妙精成靜專踵行三歲之時祠並答兩儀之貺謁  
款郊時修明國章地求習坎之方物取上黃之象合于經誼黜汾  
睢就祭之文揆厥本原追神考欲行之志臣幸當初學親覩祫容  
聞熙事之告成與外朝而同慶

賀北郊禮成表

孫仲益

肇裡吉土涓日至之休成昭格柔祇報坤元之博厚允膺並貺不  
顯顧懷中賀竊以求象類于陰陽致明察于天地三代受命興嚴  
肆祀之常兩漢北郊乃有合法之禮洪惟永裕駿發德音邁上聖

東武劉氏嘉蔭樓宋本校鈔

之勃興刺六經而制作交靈心於祇預允答資生伸母事之至誠  
聿從親享舞咸池以合晟樂飭齊輅以建太常垓陸兩城合於耦  
數尊壘制寵厥含章哀對百神因崇邱于方澤作為六品奠嘉  
正之黃琮用能風雨井違星緯咸叙充嘉氣于重宇燭榮光於嚮  
辰神人以和祖考咸格薦祭如在畢圭幣瘞埋之儀享未臨致  
邱陵羸介之物陛下欽承駿命祇翼詒謀蒐舉千載之闕遺析衷  
諸儒之稽攷斷自睿意發揮祫容臣等預覩齊明叨陪陟降率時  
昭考輯曠世之彌文赫湯孫繼自今而作古

賀北郊地示示見表

孫仲益

伏觀五月某日夏至前日陰曠是夜皇帝宿齋星宿明煥暨全行  
禮空中有神物旌旗光景示現精意以享天地之嚴恭受命咸  
宜應乾元之昭荅清衷所嚮瑞應聿懷陛下講三代久闕之儀  
飭千載難行之典肇稱美報以荅嘉生求比象于兩儀制惟新之  
百祀肆惇宗惟我元祀肇舉黃琮用肅恭于兩明神躬祠方澤乃

者宿齋祇祓星緯煥明將事載陰風雲隱晦出郊灑道具瞻零雨  
之濛効駕還宮始沛隨車之澤矧乃薦牲奠玉恍若未臨歛昨受  
塵揚然如覩至陰肅肅氛祲出於宗邱蘊隆蟲七靈光燭于區宇  
萬舞有奕八变告成咸秩無文爰致羸物事地以察山林川澤之  
効珍先天不違雨暘寒燠之威若臣等參陪陟降預覲嘉祥祝史  
無求福祿自至豈止膺天祇之景貺迄用康年固宜禱梁父以報  
功永言配命

賀明堂禮成表

王介甫

蒐講上儀神天祇豫敷施天號夷夏交欣中賀蓋聞聖以享帝為  
難孝以嚴父為至周右烈考或委政而弗專漢紀諸神或竊禮而  
無寶恭惟 皇帝陛下道包衆甫運會丕平巍七成功堯之所謂  
大業七致孝舜之所由昌洎選休辰肇稱嘉享百禮既至而正惟  
已獨萬舞攸酢而福與衆均臣久冒眷憐方嬰疾奉承籩豆乃  
獨後於臣工踰舞笙鏞竊自同於鳥獸

東武劉氏嘉蔭發宋本校鈔

賀明堂禮成表

曾子固

昊天無聲之載人莫能名先帝罔極之恩物何以稱維總章之定  
位秩宗祀之洪儀可薦至誠用神昭報中賀伏惟 皇帝陛下躬  
夙承之聖質而博古多聞經特起之大猷而虛心廣覽振千齡之  
隆緒紹三代之遐蹤霈澤之所涵濡太和之所煦姬華夏垂翁無  
一夫不獲其宜草木蟲魚無一物不遂其所爰求祭典用告王功  
蓋諸儒之說為不經則折衷於孔子而近世之事為非古則取法  
於周公罷黜異端推明極孝以尊莫大于祖故郊于吉土以配天  
以本莫重于親故享于合宮以配帝恩義兩得其當情文皆盡其  
詳徹俎云初均釐甚廣昭執皇矣實難偶之昌期魏乎煥焉信非  
常之盛禮皆預橋門之聽觀黃髮孤生前蹕之音四偶親祠之慶  
青雲多士皆預橋門之聽觀黃髮孤生獨歎周南之留滯

賀明堂禮成表

汪彥章

夙涓剛日祇見合宮誠意上孚色動房心之次靈釐下破恩均輝



翟之餘作民恭先惟神是克中賀恭惟 皇帝陛下靈承天地光  
昭祖宗具綿莚于曲臺懋建中和之極 燔柴于吉土允符精禋  
之交幸託宗枝獲承慈蔭聞神祇之昭格與民庶以交欣

賀明堂禮成表

張全真

清蹕時巡深軫四方之多事合宮大享恪遵三歲之彛章誠既格  
而神娛慶遂行而民賴中賀臣聞禮或隆而或殺祀有報而有祈  
屬羯胡之肆行致容典之幾墜未暇脩隆于百祀特殺其文雖曰  
大報于三神以祈為主爰舉紹興之近制寔遵皇祐之成謨天地  
合法祖宗並侑聖明之能述作盡洗拘攣衷正以昭馨香自膺碩  
享恭惟 皇帝陛下生知恭儉躬履艱危菲禹食以寧神土堯階  
而率下齋明盛服蒐講上儀五室九筵制就嚴于路寢三牲八簋  
誠自接于高靈臣忝惟惺之舊臣備藩垣之煩使再逢熙旦獨遠  
周行餽事受釐莫贊鬼神之間疏思作解獲沾雷雨之施

賀明堂禮成表

東武劉氏嘉蔭後宋本校鈔

肆覲東后方躬五載之巡平秩西成不忘九室之饗人心感豫天  
眷昭回中賀恭惟 皇帝陛下增光祖宗再造區宇我將我享爰  
蒐講于上儀有壬有林用綏懷于列辟簫管備舉籩豆靜嘉神之  
格思終掃平于大憝民亦勞止咸仰戴于中興勃然成功高出振  
古臣頃辭文陞昌領守符駿奔走于下塵莫陪盛禮樂中和于遠  
域徒積歡心

賀郊祀改元表

行會通之禮肇三歲之明禋下寬大之書新一元之美號熙事允  
成于上日湛恩誕布于中風竄以祀天地者國家之盛儀法祖宗  
者帝王之能事仰惟上聖順攷神謨肇祀改元遵藝祖乾德之制  
卜郊遷日法太宗至道之規前烈用光孫謀惟永恭惟 皇帝陛  
下秉圖御籙體道乘乾歷數在躬當圜丘之美報蚩夷猾夏偶外  
闡之戒嚴申誡日以致虔俄動天而昭監倒戈不用和戎狄以正  
諸華啓蟄而郊執珪幣以見上帝夕烽滅照柴燎告升春澤發生

震雷作解與生靈而更始改正朔以承天保合太和永受厥福臣  
賤分偏壘身遠外朝啓運千齡仰慶乾元之用九舉觴萬壽阻陪  
嵩嶽之呼三

賀南郊赦表

曾文肅

繼體守文既日躋于聖敬報本反始式昭事于昊穹翕受百神之  
釐敷為四海之澤渙號揚于中外湛恩洽于幅員臣某中賀竊以  
洪福雖謔惟聖人為能饗齋明以祀示天子必有尊用陶匏藁秸  
以稱其誠脩壑輅袞龍以致其美紫壇八觚而天位定黃鐘六變  
而神既交蓋發祥隕祉所以為民故赦過宥罪與之均福矧丕承  
於寶祚方躬見乎圜邱擊禋有成時肆大賚至于廣蠲金穀之負  
深恤里之昭天漏泉汪洋乎其無間垂髻戴白鼓舞乎所  
未聞歡聲

茲蓋伏遇 皇帝陛下宅心寅畏凝命  
穆清率昭考以思王業之艱難惠宗工以奉孫謀之燕翼樂休成  
于熙事惟愛施于函生臣假守邊藩親逢盛際莫陪多士奉璋之

東武劉氏嘉蔭後宋本校鈔

列寶同斯民擊壤之歌

賀南郊赦表

王介甫

精意上昭神靈庇豫茂恩旁暢夷夏接和帥贖中賀臣聞道以饗  
帝為難禮以配天為主有秩斯祐唯四表以歡心胡臭亶時匪九  
州之美味自古在昔若聖與神厥遭昌辰乃覩熙事恭惟 皇帝  
陛下邁種三德敷奏九功率籲奉璋之衆髦肇稱奠璧之新禮廟  
籩致孝郊血告幽誠既格于穹旻福遂均于品庶振憂於寡原宥  
青莪第五玉以褒封善人是富發三錢而慶賜賤者不虛天其居  
歆人以呼舞臣夙叨寵獎親值休成雖預于駿奔寔不勝于竊抃  
云

賀南郊赦表

王禹偁

臣某言今月二十日降到赦書一道南郊禮畢大赦天下者臣當  
時集軍州官吏百姓僧道宣讀施行訖嚴父配天王者之達孝青  
災肆赦有國之大猷凡在羣生罔不同慶臣聞有虞尚乎祖德顯

項而宗堯周人重其先禘帝嚳而郊稷沿革之文則異祠祀之義  
斯同率由舊章茲曰大事雖天子必有尊也非聖人孰能行之伏  
惟尊號皇帝陛下司牧黎元敦崇孝治言有父也宣祖昭武皇  
帝積德而累功言有兄也太祖神德皇帝開基而創業繼志惟謹  
守文則難化成而日用不知寅畏而夕惕若厲故得昆蟲咸遂戎  
狄允懷文物聲明損益乎三代道德仁義寢染乎萬民有是聖功  
推功于天地有是聖德遜德于祖宗乃脩嚴禋聿伸大報禮樂具  
舉宣三年之不為玉帛載馳見四海之助祭列聖至上上帝格思  
錫鴻休于無疆明大孝之大遺禮成而退天且不違自非吉蠲之  
誠達于上下孝悌之至通于神明孰能若斯其盛歟由是因純嘏  
之休覃雷雨之澤謂萬方有罪于是乎釋縲紲之人謂百姓不足  
於是乎逸逋逃之賦照燭幽壤滌蕩瑕疵順天推恩與物更始詩  
不云乎一人有慶經不云乎萬國歡心自可追三王而比宗非止  
黜五霸而不用者矣臣出官內署承乏專城既不得陪冠劍之班

東武劉氏嘉蔭履奉本校鈔

行俎豆之事舞扞于黃道登降于紫壇又不得湧非煙之詞濡甘  
露之筆藻繪于玉冊發揮于皇謀亦臣之不幸也然而當求治之  
朝居分憂之任得不導揚允澤訓戒齋民瘳其瘡痍浸入骨髓亦  
臣之大幸也伏限郡事不獲奔詣闕庭臣無任

賀明堂赦表

蘓子瞻

宗祀告成修累朝之盛典端門肆青荅萬宇之歡心凡有識知舉  
增於躍中賀竊謂祖宗恩信之所被譬如天地寒暑之不差將推  
作解之仁必在當郊之歲恭惟皇帝陛下憲章六聖左右三靈  
上帝眷而風雨時土人去而蚩夷服講明大禮對越昊天懷柔百  
神嚮用五福大河修復奏軌道於東流藩邸顧懷錫鴻名於西府  
臣備員法從待罪守臣想聞路寢之鼓鐘曾叨奉引嘉與海隅之  
草木同被恩私

賀明堂赦表

前人

嚴配禮成民皆知孝好生德洽天下歸仁凡蒙一洗之恩舉有惟

新之喜中賀伏以功存廟社而辭其禮德及草木而諱其名此聖人之所難幸微生之親見恭惟 太皇太后陛下勲高任如道配唐虞顧惟致治於中和平孰不歸心於保佑合宮均福畢修累聖之文會慶告成不居先后之位臣職叨禁從身遠闕庭既欣渙汗之私博靈動植更喜譙光之美獨冠古今

賀明堂肆赦表

蘇子由

饗帝尊親古今之大典推恩肆眚天地之至仁舉此盛儀併在今日中賀伏惟 皇帝陛下以仁御世以誠事天乾清坤寧兵戢民阜人悅故神罔不宥物倫故禮得以成一享園邱三謁路寢誠敬之心與日兼茂寬大之澤無物不蒙能事既修全福自至方將享堯舜之上壽膺成康之令名民願所同天心自若臣頃待帷幄稍歷歲時謹責之深坐甘沒齒江湖之逮猶冀首邱久蟄泥塗聞震雷而惕若深囚籠檻得清風而自疑

賀明堂赦表

曾子固

東武劉氏嘉蔭移宋本校鈔

奉參聖考升配上天秩盛禮於法宮推大恩於率土中賀伏以 皇帝陛下有聰明好古之實有恭儉愛人之誠競畏萬幾仔肩一德欽紫辰報既昭告于元功嚴父致隆又推明於極孝越成釐事均布神休草木昆蟲皆令受賜華夏蠻貊莫不歸心臣心係北辰身縻東土永懷故事難求汶上之圖歸遠清塵方嘆周南之滯

賀明堂赦表

孫仲益

禮成宗祀修累聖之彌文恩錫庶邦廣穹昊之景福一洗寰區之昔舉靈曠蕩之思 皇帝陛下祇燕孫謀紹隆民德雖四方之虞求靖而三歲之典弗違上以對越在天之靈下以浹洽好生之德豈止欲囹圄空虛而謹罰庶幾俾盜賊向化而革心臣率祇吏民布宣德意想縟儀于路寢莫預駿奔均慶賚于海隅共欣渙汗

賀登極肆赦表

許仲啟

曆數在躬既親承于舜禪雷雨作解初廣被于周封仰止重熙集茲大順中賀恭惟 皇帝陛下仁兼天覆量極海涵奉鬯東闈俾

羣黎陰受其賜，凝旒南陞，將萬景各得其宜。禮崇揖遜之餘，澤茂  
龐鴻之後，削三章于筆下，不但刪煩，運八柄于寰中，莫先取辜，甚  
撫摩，攸寄曠蕩，是逢壽域，四開欲對吏民，而鼓舞化基，一立諒移  
風俗之權輿。

賀恤刑表

張全真

秉錄御天，屬聖神之在運，對時育物，均雨露以布慈，繫畏景之方  
隆，閱祥刑之未措，上嬰宸慮，渙發詔音，邇及遠方，一清幽圜，中賀  
宥以泣辜，流念見大禹之至仁，扇賜軫懷，仰周文之懿範，欽惟前  
躅，垂裕後王，於皇本朝，比跡震古，恭惟皇帝陛下，堯仁羣遠，舞  
智燭幽，欲躋羣物於太和，不忍一夫之失，所故雷號風令，期四海  
於無刑，玉律金科，庶有生之難化，蠢茲未革，尚干有司，惟深測於  
炎歎，重自罹于囚繫，或匪惟良之吏，必與慘獄之嗟，特頒細札之  
丁寧，痛喻守臣，以欽恤，臣敢不俯勤夙夜，仰副哀矜，播厥官僚，謹  
茲重獄，賤惟宣化，躬佩服於訓詞，國無冤民，庶導迎於善氣。

東武劉氏嘉蔭後宋本校鈔

賀獄空表

趙承一

好生之心，本天地之大德，措刑之效，乃帝王之極功，茂實頻仍，輿  
情踴躍，中賀宥以盛德，在火金石，或至於焦流，南風之薰，黎庶相  
趨而悅，懌夏日可畏也，如此聖人於刑，曰恤哉，然而扇賜之勞，既  
垂於博施，泣辜之感，徒厚於責躬，曾未若更三伏，以在辰獄，一夫  
之無有古寥，其鮮矣，今數上而見之，此蓋伏遇皇帝陛下，柰  
湯寬中，勤舜察欽，若丹書之慎，惻然赤子之憐，既摩義以漸仁，因  
遷善而遠罪，克底勝殘之績，屢彰首善之民，臣方陰雲天詎，施涓  
勺茲用，憑於帝力，不犯有司，雖無德於郁人，式歌且舞。

賀上元獄空及不拾遺表

春元三五之朝，民無犯法，王畿衆人之所路，莫拾遺，凡履地以戴  
天，皆舞手而蹈足，中賀宥以俗係時，而薄厚性，因習以汗隆，空國  
歷年，周成王乃能去殺遺金，當道羊，樂子其猶動心，矧都邑方盛  
於遊遊，而車馬相逼，于暮夜向隅，或泣不樂，將致于滿堂，以闔而

投所盼固多於明月而乃盡虛囚繫爭効寔珍臣庶式託莫靈臯  
陶之罰懦貪相勉競慕伯夷之風昔未聞之今方創見此蓋伏遇  
皇帝陛下聖恩不冒神化旁流刑本期于無刑信未施而已信  
頑囂感格廉恥興行既首善于京師將純被于天下躋諸壽域登  
以春臺臣猥被缺員誤當劇任甫閱政條之頃仰蒙帝力之深何  
以報答莫措趙張之術幸觀輦轂悉為堯舜之眠

賀獄空表

堯舜性仁民日遷善成康刑措史不絕書凡有耳目之見聞不勝  
手足之舞蹈中賀竊以中都浩壤在止辟以尤艱長夏鬱蒸雖佚  
居而猶病無有一人之獄適丁千載之期恭惟 皇帝陛下獨運  
離明窮行乾健如日不幸之殺寧失不經推吾所愛之人乃其不  
愛曾旬月之未幾致囹圄之屢空逮于畿赤之間舉絕縲紲之繫  
符瑞數興于草木貨財恥拾于道塗歷春夏以滋多累百千而未  
已臣獲寬吏責仰冒天功德以駕鉞之姿坐承嘉美之化沉朱李

東武劉氏嘉蔭後宋本校鈔

於寒水共樂清時鞠茂草于園扉殊多暇日

賀寒食獄空表

千里之畿刑誅不用一月之內囹圄再空父老未省于見聞中外  
相趨而鼓舞中賀竊以德可興于有恥法徒禁于已然如日得情  
固非曾子之勿喜與其聽訟未若仲尼之使無况茲浩穰之區屬  
乃陽春之序昔無留獄正然輦轂之燈今靡繫四方禁閭闔之火  
當嬉遊行樂之際逢太平止辟之期實曠古所未嘗乃接踵而相  
繼此蓋 皇帝陛下以民為體其仁如天力推惠養之恩坐成忠  
厚之化凡爰書之過誤多所平寬每中旨之丁寧具形惻怛善良  
草偃姦慝覲消路得遺金獻寶復聞于數四涂逢畫象相型何止  
於千年既懷不犯之心將致可封之俗幸承官之獲覩聖功已日  
乃孚考易辭而猶信期年而化驗史冊以何遲

賀獄空表

至德洞天而澤宵降深仁逮下囹圄盡空道 本於聖神福乃歸于

黎庶歡聲盈耳和氣塞朝中賀窳以四十年而無刑周昔盛矣千  
餘歲而復古宋今純之偶春序之愆陽軫居帝之肝食躬紆實墨  
之妙救無庶獄之留詔札未乾雲霓奔走編言既布田野霑濡致  
輦輶以肅然無縲紲之繫者逮於旬服陶我皇風六邑陳旌狂之  
靈三縣落草木之瑞好義益興於鄙鄙拾遺爭効於賀財嘗舊吏  
之傳聞迺此日而親見此蓋伏遇 皇帝陛下順帝之則與天為  
徒以文王之小心急虞舜之先務雖奏讞之委曲未始怠忘至新  
弊之錙銖類從末減民識知于惻怛俗愧恥于頑嚚故于憲章靡  
所抵冒臣猥尸官事莫措吏能鈎距無竒敢比蹤于廣漢檟楊不  
用幸息謗於莊周

賀籍田表

趙德莊

農祥晨正調元氣於孟春天官景從來時龍於千畝肇新容典翕  
受純禧中賀窳以祈黍稷于勸耕共樂盛而教孝晚周殘缺禮不  
見者百王炎漢緝熙詔始行於三世自安厥後曠代僅存職既失

東武劉氏嘉蔭發宋本校鈔

於旬師論多清于博士若稽治繫我太宗規吉壤於朝陽標紀  
元於端拱適追來孝載更累聖之傳論議洽聞允屬中興之運順導  
東郊之令躬勤南面之尊出種桂于掖廷肅門闔于宮正紺轅  
黛耜駐天步于青城華蓋金根旋日輪于黃道神靈降格樂奏樂  
和迄成貴賤之班式懋耘耔之勸恭惟 皇帝陛下孰修大本蒐  
舉懿文斷揉教民世仰神農之聖錢賓分命人知堯帝之心於昭  
親率之人益顯太平之盛臣拘縻外守阻望清先播穀惟時遐想  
載芟之什力田可舉願廣宣布之詩

賀籍田表

趙德莊

孟陬協紀方欽授於人時太史戒期爰躬耕于常籍有嚴熙事茂  
輯純休中賀窳以天田九星象著耘耔之應農輿三蓋禮為恭儉  
之先考周制以僅存求漢章而既邀永平鼎盛徒賜食之有闡開  
元亟行始進儀之粗見共惟皇神祖丕闡祀容建崇禮之通門啟思  
文之秘宇作為元紀敷錫宥恩事皆集于大成謀遂貽于繼聖恭

惟 皇帝陛下勤勞稼穡損益古今鬱堯寔爨儼朱紘而祇祓洪  
縻在手撫綽輒以周旋既屈帝者之尊益明天下之本然茲懿典  
罕值中興號公之諫永世以貽譏憲宗之儀半塗而弗舉光於往  
冊獨我秦臣叩命江湖馳臣觀闕案盛醴酪仰宗廟之孝思杰  
稷稻梁助田疇之慶賴

賀籍田表

青壇祇祓儼萬乘以尊臨黨耜爰興舉三推而躬勸歡傳華旦風  
動綿區竊以籍乃借民周雅述載芟之訓冕而從事戴經垂耒耒  
之辭不惟敦龐純固於是乎成抑亦醴酪案盛由此而出考之往  
牒具有明文故孝武明詔于東郊章帝親巡于懷縣豈止考之往  
稱為實為千古之流光提上聖之中興修緝儀而肇舉凡居涵覆  
孰不欣愉恭惟 皇帝陛下大德時乘多能天縱盡挽雲間之河  
漢洗空天下之干戈南北交通書文混一肆念黎元之衆未知稼  
穡之艱爰擇元臣用勤終畝不顯先農之祀於昭重穀之誠千耦

東武劉氏嘉蔭後宋本校鈔

其耘共慶康功之即萬邦無憚永歌嗣歲之興某叨守偏方幸觀盛  
事書頌一札已聞天語之丁寧麥秀兩岐願繼前賢之彷彿

賀安南班師表

臣某言伏觀廣西荆湖路安撫使司劄子已克伏交趾了當班師  
者曠俗亂常敢干天討偏師問罪深入塞庭戮其酋豪拓我疆土  
歡傾萬宇威攝四夷中賀竊以安南一方輿地千里世受爵寵列  
為藩屬傳嗣之童昏有擅權之奸意遽為畔援自取滅亡迺申  
命于虎臣俾肅將于師律運籌決勝受神筭于廟堂折馘執俘獻  
凱歌于宗社成雋功於百日邁振古以無前此蓋伏遇 皇帝陛  
下大智日躋沉機天縱赫然一怒舉必萬全詠采芑之南征固無  
慙德勞出車之還率亟有膚公豈惟底定于遐荒抑足振驚于戎  
虜

賀斬夔離不表

汪彥章

王旅徂征犂庭沙漠種酋就殪函首京師偉哉宗社之休永矣車



書之一消辰大獻罄宇交歡中賀臣伏以天下為家既靡殊於疆  
界聖人去惡當務絕于本根惟天羊傳習之區隔日月照臨之造  
逢時休盛舉國震驚悉臣悉臣來襲漢儀之舊寶壙寶壙坐觀周  
索之同蠹茲遺種之妖敢肆怙終之惡介山谿而負眾盜名字以  
欺天爰驅烏合之師力抗鷹揚之旅乃煩四校之出不遺隻輪之  
歸既首戮于鯨鯢仍悉除于蜂蠆征而不戰脚麾荆柄之幡象以  
示懲永震菁街之邸恭惟 皇帝陛下與天同大視古無前運五  
季以精神之餘玩四夷於股掌之上雖遊魂之佞強難假息于頃臾  
坐令醜類以寒心常在神兵之在頌臣側聞盛事阻造外庭登喬  
嶽以告功雖更史設之歎斬名王而豐鼓敢忘班固之銘

賀收祥州表

晁之道

盛德丕冒要荒卑徠地歸版圖人襲冠帶際天無外揆古有光中  
賀竊以上主憂民願豈施于絕域百蠻從化或頗識于慕君蓋至  
仁不得獨遺宜聖世為之遠撫矜其誠懇錫以寵光肇親郡邑之

東武劉氏嘉蔭發宋本校鈔

名遠契休祥之會是為天意豈獨人謀恭惟 皇帝陛下經緯聖  
文卷舒神武四海從王而既治九夷不詔而自來致此殊方列於  
支郡故封雖遠如瞻咫尺之威歡頌載新願上萬千之壽

賀安南捷奏表

劉莘老

威靈所被萬里收功凱捷布聞兆民賴慶中賀臣聞聖人之於征  
伐也用非得已先王至於夷狄也威然後懷物萃聚而除戎特豐  
亨而致法蓋方飾治之既備故苟犯順而必誅虞帝所以事有苗  
之征宣王所以有淮淩之伐蓋此前載率于盛時恭惟 皇帝陛  
下剛健體天休明越古萬方順以無侮三靈和而允懷曾爾交鑿  
干我天討跳鬻肆于窮壘虔劉及於敷州不示大刑曷懲下軌軍  
聲振疊肅如金鼓之下天皇澤漸濡固若雲霓之救早俄莞然而  
請命因示之以好生惟盛德所以成無戰之征惟至誠為能有不  
殺之武出車薄伐既奮蠻荆之威後后来蘓行紆北狄之怨海隅  
天定氛祲一清赫然盛勳若無前古

賀收復涿易二州表

聖謨獨運王旅徂征行列聖之遺誅中百年之遺俗種蔭內款殪籍未歸中賀臣聞皇帝得天始正阪泉之伐宣王復古爰興獫狁之師緬惟幽薊之區久失漢唐之舊厥留丕績以待聖時出成筭于九重斤提封之萬里風聲鶴唳何勞震疊之餘筆食壺漿惟恐歡迎之後茲蓋伏遇 皇帝陛下功高治古道冒綿區兼收夷夏之心克紹祖宗之志得皇天之所覆徠上古之不臣前茅深入於殊疆破竹遂無於遺策臣幸逢嘉會適守遐藩傳聞毳帶之朝悉陳渭上遙想龍墀之慶獨阻周南

賀瀘南班師表

汪彥章

小醜亂常敢憑陵於鼠穴偏師薄伐旋毀覆于梟巢捷書流聞戎漠震竦臣某中賀竊以獫狁孔棘千乘以之啓行蠻荆未威四方以之無侮維二川之南鄙有八詔之遺黎雖種類寔微莫能統壹而封疆交脩每輒寇攘大張戎師深入其阻未悔觸藩之禍尚懷

東武劉氏嘉蔭後宋本校鈔

距轍之姦武節載馳靈旗斯指伐山通道駭王旅之如飛折馘執俘信天聲之有赫既掃除于妖孽益恢扞于方隅邊障肅清里閭安悅此蓋伏遇 皇帝陛下操德勇智玩心神明端拱九重之中折衝萬里之外沉機罔測獨斷不回干戈省窮居無忘于遠略鈇鉞飾怒動必克于仇方矧絕塞之荒墟宜指期之軫滅臣叨備近戢預聞吉音徒誦周雅采芑之詩莫陪漢庭奉觴之慶永言抃躍實倍等夷

賀聖駕還京表

王禹偁

臣某言今月十六日進表院狀報正月二十三日駕還京者犬戎逃遁鑿輅凱還中賀伏惟 尊號皇帝陛下奉承祖宗威懷戎狄但懋守文之德靡矜神武之功叢爾林胡無乃內侮蜂屯烏合鼠竊狗偷必想邊民奪挺以毆攘亭長持繩而繫縛豈勞車駕遠涉山川陛下念二聖臨朝每經營於河朔厲三時不害乃巡幸於沙場存問耆年勞耒殫吏有征無戰陳時觀風邊人識龍鳳之姿胡

馬避虎豹之衆昔周宣薄伐玁狁深入太原漢武斥逐匈奴遊臨  
瀚海頗為勞弊尚著聲名曾未若陛下仰順天時俯從人從出狩  
適當于冬隙班師未發于農祥端居紫宸飲至清廟穀雨方霽春  
華正繁捧觴長樂之宮錫晏上林之苑皇權大洽天步永安易曰  
聖人之順動則刑罰清而民服孫子曰不戰而屈人之師善之善  
者也其是之謂乎臣方在謫官無由扈從既不能草頡利可汗之露  
布又不得答冒頓單于之謾書當文士有為之時處山州無用之  
地迎蚤莫遂望闕彌深無任歌時樂聖

賀捷奏表

整我偏師果入襟喉之地執其醜虜遂空巢穴之羣捷奏星馳歡  
聲海溢中賀惟此犬羊之聚數搖蜂蟄之奸不思覆露之隆寬輒  
肆跳梁而旅拒如江如漢始知蹈<sub>聖</sub>犯之難我陵我何坐獲并包之  
利斬馘千計沉機萬里茲伏遇<sub>聖</sub>陛下睿算中潛神威遠愷  
坐制四夷之命靡煩六月之征不戰而屈人兵魚成破竹之勢有

東武劉氏嘉蔭後宋本校鈔

常以立武事遂奉採薇之詩臣等幸服邇僚親逢殊慶兩階舞羽  
曾莫贊于苗征萬壽稱觴願敢忘于虎拜

賀講和表

岳少保

臣伏准敕書節文金人許割河南地歸本朝者觀時制變仰聖哲  
宏規善勝不爭實帝王之妙算念此難艱之久姑從和好之宜  
睿澤誕敷輿情胥悅中賀竊以婁敬獻言於漢帝魏絳發策於晉  
公盟墨未乾敵血猶在俄驅南牧之馬旋興北伐之師蓋虜虜不  
情而犬羊無義莫守金城之約難充豁壑之求圖豐安而解倒懸  
猶之可也欲長慮而尊中國豈其然乎伏惟<sub>聖</sub>皇帝陛下大德有  
容神武不殺體乾之乾行巽之權務和衆以安民乃講信以修睦  
已漸還于境土想喜見其威儀臣幸遇昌時獲親盛事身居將闡  
功無補於涓埃口誦詔書面有慙於軍旅尚作聰明而過慮徒懷  
猶豫以致疑謂無事而請和者謀思卑辭而益僭者進願定謀於  
全勝期收地於兩河唾手燕雲終欲復讎而報國誓心天地當令

稽首以稱藩

東武劉氏嘉蔭篋宋本校鈔

聖宋名賢五百家播芳大全文粹卷七

表

賀皇子冠禮表

濬哲發祥克昌基本神明省質允屬元良爰當可冠之時大誦加  
成之典十行降札四海傾心中賀竊以道有廢興時隨損益飾容  
正體就識上儀消日筮賓殆成虛禮恭惟 皇帝陛下振百王之  
絕學納一世於大中謂化民實本於齊家而致治莫先於善俗春  
惟元子翕受天祺蚤脩問于寢門久聯華于國邸宜而盛服式協  
聖經三加彌尊一人有慶茲蓋伏遇陛下聖本天縱德裕日新  
作民敷先敷時納治壯皇國而增固懋帝祉以無疆宗社垂休幅  
員來賀臣叨分符竹遠去軒墀丹詔再馳暢四支而交抃明庭錯  
事陪百辟以何從

賀郡王冠禮表

吉日載消緝儀脩舉慶由禁掖歡決寰區中賀臣聞聖王察於人



倫蓋將敷教男子重于冠禮所以正身弁有三加賓存一獻彌貴  
成人之道適當就傅之年矧是皇家恢殊王爵天臨秘殿俯觀展  
弁之容星拱大庭咸觀我冠之美粲然喜事屬此盛時茲蓋伏遇  
皇帝陛下樂育羣材儀刑萬國丕合多男之祝益開同姓之封  
用壯本支率循法度俾其謹始庸示有終臣未造外朝側聞茂典  
安榮相若慶抃攸深臣無任

賀穎王過禮表

蔡君謨

誦名典禮納配儲闈奠筭之儀告成守土之臣交抃中賀恭惟  
皇帝陛下倣天合德與日齊明恩隆長世之基預正少陽之位爰  
宗淑媛以觀元良龜筮悉從耀青宮之徽冊本支增茂林爰運於  
無窮臣幸預通班忝臨遠郡

賀魯國公主出降表

占蛇聘夢祥寶發於先朝奠雁告期文甫成于外館中賀臣聞親  
成經五禮之始睦姻貫六行之中善與物昌慶惟時類恭惟 皇

東武劉氏嘉蔭後宋本校鈔

帝陛下齊家而治國睦族而雍民恩隆天屬之尊禮重王姬之降  
謹所選尚燕及文母之慈厚於送歸追成穆考之孝臣叨陪興運  
獲觀盛儀雖句臚中絕於九賓然呼舞外均于百獸

仙源類譜賀太上皇帝表

呂伯恭

清都絳闕固高視于群生寶系璿源寶仰資于太極告成冊典垂  
範成雲霓以顯穹生氏濬發皇宗之盛丕天大律於昭帝系之嚴  
顯允熙朝肇開聖統德隆澤厚命既即于萬年宵遠族蕃譜方登  
於六世戚疎區別昭穆派分雖國論民言不全齋心服形之地然  
宗盟家政有閑問安視饗之餘爰練日以龜從咸望雲而鼇抃懽  
騰濡瀆慶溢重霄恭惟 太上皇帝淵靜化元希夷物始大綱授  
舜既蕩以無名九族睦堯本親而有叙光澤穆清之邃具膺  
蕃衍之祥臣等幸際休辰與觀盛事中興功業斯千輯載于父兄  
百世本支陳錫永觀于孫子

仙源類譜賀皇上表

天發慶源衍皇支於有永國嚴大典章烈祖於無疆今日載闕上  
儀交舉竊以建邦啟土胄本出于神明扶世導民德實參於化育  
厚裔苗之憑藉培厯運之靈長支宗肇興上通元造昭陵在御專  
以至仁垂光章被於雲來流澤涵濡於億兆厥開真主並緝曠文  
譜增屬籍之華耀冠史臣之錄發揮昌緒見小宗大宗之蕃申載宏  
綱示特書屢書之重原流綜貫典冊崇成繇宣祖以來盛星羅于  
宵極若明道而後實日靖于鴻圖振信厚之風皞皞太和之治  
銀潢澆養玉版闕嚴千八百國之封先乎異姓五三六經之籍允  
也同符懿鏢龐洪函生闔澤恭惟陛下隆恩睦族駿惠紹基帝  
系綿延鑿枝葉本支之輔皇猷渾灝思規模獲矩之遵式是不彛  
對於華旦臣等忝聯廷采親覩邦祺垂統聿傳陝柳芳永泰之譜  
休聲遠繼賡石介慶曆之詩

進哲宗徽宗實訓表

呂伯恭

聖訓淵深傳唐虞之一道信書昭著宣文武之重光載緝嘉謨仰

東武劉氏嘉蔭錄宋本校鈔

勤乙覽恭以哲宗皇帝聰明睿智徽柔懿恭饗帝饗帝親肅勤  
而宗祀因天因地欵八陛以親郊東回川后之流西獻虎臣之捷  
黔黎樂業壽俊充庭徽宗皇帝德冠百王道高五泰元圭載錫  
昭有赫之珍符降鸞告成垂無疆之寶鎮輪煥肇新于衢室焉和  
親屈於儒宮禮樂交脩權綱坐攬會際中興之運誕增先烈之光  
念前聖後聖之傳並垂彛教而大書特書之典敢後編摩上軫睿  
思式頒明命紬金匱石室之秘發蘭臺虎觀之藏二后受之同歸  
於治萬物備矣皆聚此書萃圭璧于綠文會日星於漆簡奏篇甫  
始執筆與榮恭惟皇帝陛下潤色鴻猷聿追成憲稽舊章於天  
聖酌鉅典於元豐魏成功紀用焜煌之績業七致孝式深紹復  
之恩肆集品章揭為儀矩臣幸司鉉繫粗究料條不顯丕承第仰  
羣言之首是彛是訓以貽萬世之傳臣無任

進建炎紹興詔旨表

呂伯恭

舜曆在躬大一人之聖孝堯言布下輯三紀之睿謨爰勒成書上

千乙覽中謝恭以光堯壽聖太上皇帝道參覆載功冠古今凡詔  
令之播敷若風雷之鼓舞辯邦誣而刊謗史前烈用光弛黨禁而  
錄後昆士氣如洗闢正路以來箴諫塞倖門以嚴憲章飾革輅以  
勞軍萬屯思奮肅芝車而耕藉九扈告豐恤刑必至於無刑忘士  
遂收于多士揭于象魏固井口而有條颺之康衢亦洋洋而盈耳  
登泰和之休運啟授受之公心繼照云初增光是篤肆趣盼於宸  
指俾具設於攸司肇自建炎之元乃紀紹興之號旁加褒集胥協  
編摩言如線而出如編昭華簡冊大作綱而小作紀布列章程集  
致治之楷模萃保邦之軌轍于帝其訓與時偕行恭惟 皇帝陛  
下明兩作離函三為極問龍樓之寢內聞性命之精微紬鳳檢之  
書外考典謨之渾灝建此奏篇之御翕然發政之新臣服在宰司  
幸窺丕範初何勞於率屬第有愧于視成臯陶見而知之豈容倫  
擬子夏得其書矣烏測淵源臣無任

進四明尊堯集表

陳瑩中

東武劉氏嘉蔭樓宋本校鈔

臣瓘言臣六月初五日准通判牒准編修政典局牒奉 聖旨取  
臣所著尊堯集臣依稟 聖旨不敢違滯緣臣著撰此集未經奏  
御令具狀申編修政典局乞為繳進合於御前開拆者臣竊以賦  
畝愛君精誠雖至蕩蕩議政迂濶難行葵向不習而常傾芹陋敢  
期於得獻獨行瘖斷許貢危衷中謝伏念臣糞土下材大馬賤質  
數罪固多於擢髮舍生無意於兼魚初欲糜消于難緘默因續前  
言之緒聊輸垂絕之忠非敢有善也惡也之辭但欲明尊也卑也  
之義此蝼蟻所能知也在縉紳安可藐然八十卷之私書奪此與  
彼十九年之懿績可從而違 陛下於繼述之初首辨明於茲事  
微臣持將順之志在流竄而靡忘鋪張痛詆之言編類厚誣之語  
初謂熙寧之輔不媿有商之臣於成湯敢肆厥欺疑安石有所弗  
忍及究觀於懟筆始粗見其遊辭因思大典之久誣益願忘軀而  
往訴合浦十論申蘄疏之餘言四明八門撮其要於一序實欲彰  
大德之盛不敢畏王之強寧辟首於邦誅忍謾心於國是彼效

尤於往轍亦苟逞於陳編難以縷闕畧舉綱要謂藝祖濫誅無罪  
謂真宗矯誣上天訛薄裕陵攘奪先美以託訓為箱口之術以  
歸過為自譽之媒但於詆訾之極工罔顧威靈之如在幾乎罵矣  
豈不痛哉讀其書寧忍終篇稽其文可為流涕代言之筆畫日其  
徒為儒宗首善之宮肇塑其形為坐像禮官無礼而行詔史書獻  
佞而請觀光乎仲尼乃王雱聖父之贊比諸孟子實雱等輕君之  
情彼喪周之僻王棄真儒之將聖當時不得配太廟之饗後人所  
以廣上下之祠今比安石為欽王之臣則方神考為何代之主又  
况一人幸學列辟隨班至尊拜伏於爐前故臣驕倨而坐視百官  
氣鬱多士心寒自有華夏以來無此悖倒之禮神考之再相安石  
始終不過乎九年安石之屏迹金陵棄置不召者十載八字威加  
於鄧維萬機獨運於元豐豈可於善述之時忽崇此不遜之像因  
壞先朝三舍之法遂費今日千倍之財人財之可擢不殊國用之  
添費徒廣浚吾民之膏血增彼像之精神美成其私怨佳亦于國陸

東武劉氏嘉蔭錄宋本校鈔

贊設枝顛之喻承業以財盡為憂患哉古人愛君之誠異乎今日  
養士之意又况臨川之所學不以春秋為可行謂天子有北面之  
儀謂君臣有迭賓之禮儀如彼名分若何此乃衰世侮君之非豈  
非先王訪道之法顛川舊學記刊于四紀之前辟水新靡像成于  
一壻之手唱如聲召應若響隨使王氏浸至於強梁乃元祐助發  
其氣鼓昔宣仁權同之際謂介甫節行甚高宜贈崇官仍加美謚  
司馬光書之于簡呂公著行之于朝不以稽弊為心徒發鎮浮之  
議負安石者重加黜責欺神考者略不誰何遂至于枝蔓而難圖  
豈非由偏助之太過雖當時未見誣史而先朝自有聖批恬不奉  
行養成乖悖蒙蔽裕陵之美衆眩耀鐘山之一書四輔之行謀畫  
本生於日錄三衛之設規模初定于親經密上乎鄧蹇之安排草  
草乎京攄之傳授考其音聲則箎唱而頊和譬諸手足則左弱而  
右強擬為冰山烈若原火愚公老矣益堅平險之心精衛眇然未  
捨填波之願沒而後已志不可渝望雖隔於戴盆夢不忘于馳闕



丹誠上格天語遙詢要觀真主之恭緩議奸時之罪冰淵在念梟  
磔宇逃恭惟 皇帝陛下天大普容日月徧照覽熙豐記勅之史  
倣虞夏採詩之官咨輿議於多方證詩書于百毀舜纂堯緒攷  
乎善繼之勤武廣文聲斤斤乎丕承之美茲所謂一人有慶可  
以得萬國之歡凡有識知孰不將順天地尊卑之已定手足上下  
之宜分孔志在於春秋漢律嚴于名分戴上者皆知此義尊堯者  
豈獨臣書燕馬以市骨為先驚驥者必將來矣鄭校決防川之壅  
有舌者其思默乎臣命可危衆口難遏伏望 皇帝陛下念臣役  
志于奉上憫臣積禍於敢恭以尺朽之廢材貢一得之愚慮言多  
妄發事則有稽宣宗當紹憲之時宰容德裕之奪語武帝以述景  
為事忍視馬遷之短辭父子至情古今一揆不懲謗史之罪則何以  
謝過於宗廟不毀坐像之悖則何以示順於華夷國是方強勢難  
遽改大器至重要在深思庶乎苗秀之分始於冠履之辨至美成  
於剛健大患生乎因循儒宗數人自是一家之說聖主獨斷乃為

東武劉氏嘉隆錄宋本校鈔

我宋之休天心篤愛之甚明人情企想而有待解神考在天之怒  
成聖主奉先之仁克果斷于蔡方人將大覺善光揚于堯績上可  
無為於一顰一笑之中成允文允武之業臣將獻駿忠太平之頌  
豈特進狂簡不裁之書自臆無竒但盡恭于文字筋骸已億當致  
命于君親仰酬再造之恩退聽一成之議闔門盡待頌首知歸臣  
無任

進郊祀慶成詩表

蘓子瞻

親奠璧琮始見天地策陳祖宗六廟之典參用漢唐三代之文夷  
夏來同人神允答中謝恭惟 皇帝陛下聿追來考對越在天外  
修神考之文章內服文母之慈儉四方觀禮百辟宅新雪止風恬  
駭神祇之未享雲黃歲美和豐凶之在人臣以藝文入侍惟懼考  
事而知天意陳詩以達民言雖無足觀亦各其志

進郊祀慶成詩表

蘓子由

莫大之儀成于一日無窮之澤施及四方歡聲所同和氣必應伏

惟 皇帝陛下奉烈祖之成憲蹈文母之訓言臨御七年恪守一德人服孝慈之訓物知仁厚之心神祇降庥麥禾薦熟長日既至舊章不忘以為再享明堂未暇圖丘之大祀躬詣皇地久稽先帝之遺言惕然不宜述而非作是用修合祭之舊補不諱之文人情所安神意昭答况復肆青之令一寬於冥頑已責之恩大弛於纍繫施仁於不報之地獲福于無求之中每侍清光略聞大旨勉強吟咏形容盛明愧周頌二后之精微深乏唐賦三禮之廣麗因寫天日知難成間雜風謠或有可取

進承天節頌表

楊文公

臣某言運偶承平御臨載誕凡叨食于周粟盡願祝于堯年臣某中謝臣本自諸生偶甘寸祿受兩朝之頌盼無馮唐不遇之嗟閱四部之圖書有黃香未見之恥雖研精而強力終林道以迷塗而千載休辰萬邦大慶充庭任土慙非玉帛之云策閣舞庭豈在飛走之末是敢罄竭庸鄙撰成大節頌一首獻于闕下吉甫作頌愧

東武劉氏嘉蔭發宋本校鈔

無清風之稱東方上書或經乙夜之覽

進御筆表

張芸叟

臣等言昨奉勅編修 神宗皇帝御筆文字者王者出言而為令風動於四方聖人肆筆而成書可傳於後世中謝恭以 神宗皇帝勵精為治十有九年方在憂勤未遑暇逸事無大小躬自指揮其至仁厚忠如風霆雨露固已動潤於堪輿其睿謀格言為法度憲章豈止奉行於省寺 皇帝陛下善述其志 太皇太后陛下寶之以慈永惟隆典之畢興而况本朝之故事俾修御筆首飭有司惟尚書事摠六曹治邑九棘紛然繁牘隱若邱山或收于斷簡之餘或得於殘編之末雲章炳煥手澤溫純觀之不覺動神讀之可為流涕其間理財用則先崇於節儉識刑罰則首務于寬平簡拔人材恢通邊圉事可以為法察莫匪在公順考而行為國何有又何必審周之道乃可過衡誦堯之言方為稽古臣等成書不敏授簡非工徒殫夙夜之勤何補丹青之治其事日凡一十有

八件分上中下三冊謹具表上進

進稽古編表

司馬溫公

臣某言竊以九州四海一日萬機將察知民物之性情蓋布在文武文方冊雖歷年多而舉其大要則用力少而見夫全功恭以皇帝陛下富有春秋弭寧方夏念終始典于學於緝熙單厥心延登老成親近勸誨發論語章句探經藝以同歸誦寶訓丁寧憲祖宗之不易有本如是實惟濫觴惟稽古堯舜之舊章惟信史春秋之成法高山可仰覆轍在前其興亡在知人其成敗在立政或當艱難之運而不能師用賢智或有惻隱之意而無以照知忠邪載籍之編患乎太漫鑿觀之主力不暇違敢用芟夷略存體要由三晉開國迄于顯德之末造臣既具之於歷年固自六合為宋接乎熙寧之始元臣又著之於百官表乃若威烈丁丑而上伏羲書契已來對越神人可用龜鏡悉從論纂皆有依憑摠而成書為稽古錄二十卷因仍書局繕寫奏篇茲冒昧以上陳助聰明之遠覽中

東武劉氏嘉蔭校宋本校鈔

謝恭惟 太皇太后陛下定九鼎以守天下之公器乘六龍以御天下之正權思齊之功啟佑聖學過物之濟燕及宗祧至于法敝於涼而改為官非其人而變置御戎之策上下措國之勢安危摠舊以鑿新去彼而取此陶成萬化簡在兩宮七廟垂無疆之休徵臣與不朽之業干冒宸扆臣無任

進先公文定公文集表

胡明仲

臣某言臣弟太常丞臣寧輪對奏事伏蒙 聖慈先問乃父既解釋春秋尚書有他論著其具以進者 宸衷尚舊故老刑思訓釋典文夙簡淵深之記遺餘篇翰更蒙清燕之求臣某中賀伏念先臣早涓塵事志希任道謀不為身心遠地偏寄陶廬於三徑人憂已樂甘頽卷於一瓢吟咏情性而無雕蟲篆刻之為交際往來而乏竿牘苞苴之智中經做掇多所散亡晚獲奠居僅成編帙精忠皎々每提撥亂之綱莊語諄々多闡濟時之用進則傾輸於君父退猶閑說於公卿壯懷投老而益堅弱齒抱病而彌勵自期有補終

冀一伸邱木成陰雖鬱春秋之志囊書奏御何殊旦暮之逢此蓋  
伏遇 皇帝陛下典學格身崇儒化俗華袞豈惟於一字緇衣不  
問於十年乃因仲息之對揚錫以溫顏之清問斯文不墜多士流  
傳臣謹已校定舛訛分成門次爰從傳置進脩覽觀函劍有光既  
徹斗牛之象浦珠無類合供旒冕之頌臣無任

進家集表

王豐父

竊以在治之金以自躍而為恥盪遺之玉必待價而乃珍念父書  
之久藏當盛世而難隱中謝恭惟 皇帝英猷天啟睿學日熙制  
規二帝之摹言合六經之訓握振立極纂承禹績之嘉肆筆成書  
丕紹堯章之煥重念先臣某少緣家學早中甲科校天祿之文才  
稱金馬視淮南之草名在玉堂作新兩漢之文章潤色三朝之告  
命世有儒宗之譽史多天獎之辭傳誦一時豈獨語言之妙協成  
大事固多翰墨之功晚受知於裕陵久登庸於宰路當廊廟謨謀  
之暇猶國家論撰之兼畢罄精忠仰贊格天之業迨膺願託獨先

東武劉氏嘉蔭錄宋本校鈔

定策之言暨臨驩兜之誣阻奏東方之牘方 陛下丕揚先烈追  
念舊勞辨銷骨之讒既昭前事覽凌雲之作恨不同時悉襲平日  
之遺文益愴他年之勞遇啓金滕之策不及于生前上茂陵之書  
徒嗟于沒後

賀皇帝登極進絹表

李成季

大人繼明神物協相四方來賀玉帛交馳仰罄懽心畢輸邦物臣  
猥叨符守阻覲帝閣敢陳在籬之儀少助充庭之寶

賀皇帝登極進銀表

許仲啟

禹若舜初率百官而班瑞漢因周舊膺萬國之貢珍前件物沙鏤  
本同範鑄自貴甫慶執中之命敢脩享上之儀明用黃離起鳳翼  
龍鱗之願儉存白賁殊號麟趾之誇

進銀表

趙德莊

雷風鼓舞方丕冒於海隅玉帛會同盍將歸于宰旅前件物各標  
貢品事列獻程受祿于天雖無倫而富有朝宗於海抑善下以成

能

進絹表

負宸而輯五瑞共惟帝臣考罔以別九州敢執壤奠前件物用參中幣出自餘財嶽貢川珍雖愧脩陳之盛雲行雨施少俾慶賜之

聖節進絹表

歐陽永叔

重熙纂歷載誕啓辰正守陳儀允昭於嘉會庶邦修貢咸効於駿奔前件絹三壤所宜九賦攸出脩諸宰旅寔織篚以非工切比野人得美芹而是獻

聖節進絹表

曾子固

自天生德與世為歸屬當載月之期敢薦無疆之祚前件物輒脩土毛之末用參篚貢之餘遠守蠻荆莫預造庭之會仰懷象魏但祈難老之祥

聖節進絹表

東武劉氏嘉隆後宋本校鈔

元命在躬方啓龍興之運洪圖集祉爰開鳳降之祥前件物敢薦服官用參庭貢緣易供之薄獻祝難老之殊祥

聖節進絹表

石敏若

流虹飛電乾坤薦祉於一人就日望雲玉帛交馳于萬國載輸品物仰控丹誠前件絹民力之餘邦財所出歡聲震海旅實充庭雖堯仁如天罄所產莫酬洪造虎拜稽首欲萬年歸美吾君豈臣等之私言迺太平之輿議康衢擊壤歌如山如阜之詩鳴佩稱觴望非霧非烟之閣

進瑞禾嘉禾表

崔德符

兩儀敷佑諸物效祥於昭至治之隆丕顯太平之應中謝臣聞古者君臣合德夏交權仁澤旁流和氣充塞而靈芝間瑞木特生固已被之筦絃煥乎圖史未有靈柯並秀擢百尺之名材接畛叢生過九莖之成數泛觀今古實絕見聞此蓋伏遇 皇帝陛下子視羣黎天臨萬國孝追先志功格上靈故得七廟儲休百神薦

社曲形庶類薦降珍符矧其一發於千春之鄉一產乎感仁之理  
揭示歷年之永誕彰神化之孚而臣職在承宣親觀音勝迨元豐  
之故事請播于樂歌紀大觀之新書願垂乎信史今畫到圖子一  
面謹隨表上進以聞

進琴表

崔德符

性情之正有待於節文律呂之微必藏于度数非大巧孰能制器  
非至聰無以審音退者僭尤伏深震懼中謝竊以在昔帝王之盛  
德躬御琴瑟之正聲大孝因心聞有思親之操至仁軫慮傳諸解  
愠之歌至於禹服貢嶧陽之材周樂備雲和之奏薦于郊廟以格  
鬼神蓋必興禮樂以致太平故能垂衣裳而治天下恭惟 皇帝  
陛下天開上智神授成能作樂教和已形於海縣以聲為律一出  
於睿謀當聖人有作之時實衆伎呈材之日而臣素耽雅道自製  
孤桐雖血指汗顏多慚于妙手而龍池鳳唳切比于良工所有斷  
到琴一面謹隨表上進

東武劉氏嘉蔭篋宋本校鈔

進歲貢綾并藥物表

邵公濟

一人有慶寰宇宙以來王萬國輸忠任土地以充賦禮存貴服意  
比獻芹中謝景運應期洪基繼聖辨神農之草木垂黃帝之衣裳  
雖四海頌堯獨先於儉德而九州貢禹自至於盛儀惟以南充稱  
于東蜀蠶叢善俗工勤泰國之綾謝女仙山地產神州之藥仰塵  
府藏贊篚箱物無損于絲毫心共傾于葵藿

進馬表

四方未賀共伸善禱之私萬壽稱觴當有脩物為稱念此充庭之  
寶无如在廐之良前件馬質妙權奇氣稟神駿暫御省方之駕行  
聞還蹕之音

賀九鼎成表

張全真

玉春啓節陽德布和榮仙液以凝神絢龍文而發彩權彌海宇喜  
溢民心中賀竊以文鼎出于山川甘露零于草木而前王以為盛  
事儒臣載于信書以彰百世之珍符以示無前之偉烈未見聖謨

獨運寶器載成天鑒潛通殊祥薦降有如今日贊純前聞恭惟  
皇帝陛下大明燭于萬方麗澤洽于四海嘉生繁植協氣薰蒸顯  
當天地之心密與神明之德故得九牧之金制器五色之瑞成文  
神物護持豈止黃雲之下覆靈仙降格且瞻白鶴之來翔光播無  
窮允昭至治某邇居江介叨領郡章職在承流恭布十行之詔心  
存將美忻逢千載之期

賀元圭表

恭臨路朝祇受大寶神祇並貺日月增明於是伏觀唐虞之隆蓋  
莫能窺天人之際中賀竊以義皇而降典謨所傳稽德與功惟堯及  
禹既凝庶績用作元圭帝惟寵加后亦時保陋漢習之制作迺伏  
不彰逮神聖之盛隆弗求自至因時辰采揆古創儀考陽復之休  
辰膺天申之丕貺于昭盛典允屬昌期恭惟 皇帝陛下徧覆載  
天秉執慈寶黎民于變追放勲之文章六府孔修掩夏王之勤儉  
是錫神物以昭聖功揆厥本原孰與倫擬接千歲之統且方比迹

東武劉氏嘉蔭錄宋本校鈔

於三皇上萬年之觴又將均福于四海臣無任

賀元圭表

趙承之

盛德當天寶圭出地茂對陽來之吉丕承帝錫之嚴既跨周以越  
商遂踵堯而配禹 中賀竊考載籍述觀古初厥惟符瑞之興必有  
精祲之感伏藏蔽愆者昔既遠矣光明發見而今乃赫然蓋右助  
於昌朝示章明于景貺恭惟 皇帝陛下九族既睦六府孔修海  
無遠而弗漸河不約而自翕克臻茲祉用相厥成臣欣觀盛儀悵  
居絕塞冕而執玉想天表之顯仰拱以向陽極葵心之踴躍

賀玉璽表

李成季

大明當宇百辟造朝翼赭案以前登發金箱而跪進靈光煥耀虹  
氣屬天妙刻蛟蜃龍文照日作乾安之樂奉天子之觴誕布宥恩  
敬謝宗廟慶流海宇騷動人神寶擴古所未聞宜四方之來賀中  
賀竊以明德在御嘉應並臻蓋天將有示於人故地亦不愛其實  
至神變化非意所知和氣薰蒸為時而出惟珍符之肇見錫景命

以來崇眷懷本自於帝心追琢疑非其世造季者之辨無以稽諸史玉人之巧莫能喻其工不必論前世之所遺要非偶聖人而不受 皇帝陛下仁考率考嚴恭事天朝廷治而庶官修陰陽和而五穀熟百神協相四表乂安宜保無疆之休以稱甚盛之德靈芝朱草非難致之物神鼎丹甌不足効之祥非假秘文孰昭休貺昔堯享封人之祝漢聞嵩嶽之呼曾未若躬承受命之符永為守國之器聖作明述方啓祐于千齡史書樂歌將有辭于萬世

賀日有承戴二氣表

趙承之

慶符昌運瑞靄祥氛有日觀瞻含生鼓舞中賀恭賀 皇帝陛下密參覆燾妙極照臨正已而朝廷尊清心而天下治百辟無有內外罔不欽承四海于至要荒率皆欣戴故依類而托喻示絕後以光前臣欣偶盛時悵拍極塞休嘉稠疊信禹智以難名文耀昭章若堯明之可就

賀太陽不虧表

前人

東武劉氏嘉蔭後宋本校鈔

薄蝕之祥既形於推測銷復之應遽驗於回移蓋天意至於不違非聖人孰能與此恭惟 皇帝陛下式是四國撫於五辰循軌之社屢彰陽光之符昭假偶此經行之度適當交會之期惟德可以勝妖而日為之不食瑞應古昔喜動神人臣幸際休辰獲聞大慶莫辰造庭之賀第深擊壤之情

賀太陽不虧表

葛侍郎

官占常度前知陽照之當虧德動蒼昊俄見蝕分之不既清臺襲吉薄海騰權恭惟 皇帝陛下道契乾元功參離照撫寔明寔昌之運得寅賓寅饑之宜惟閏月遣廟於正陽而靈耀乃侵於內壤聖躬修行天鑿儲休如月之初光尚全于半璧自天申貺福永固於丕圖

賀禁中出醴泉表

趙承之

盛德當天寶泉出地節彼名山之麓煥然靈液之滋瑞迹昭明惟聲震動中賀惟潤下之為德固善利而不窮雖應物以逶迤若無



難者然乘時而開塞如有待焉夫惟至明甚盛之辰乃獲自然非常之應方王師之具集偶汲水之未豐人或望梅竊効崎嶇之督神方扶石自開甘美之源精禋之交著驗如此恭惟 皇帝陛下博厚配地清明在躬極精意以禮百神竭孝思而奉清廟橋山祖考將謁以款為誠王屋仙靈遽發祥而獻瑞蓋水性之咸得致泉源之自通仰觀聖功灼見天意臣生逢盛際日觀竒祥法從相趨阻覲朝儀之盛殊庭在望竇霑帝澤之餘

賀甘露表

盛德至矣燕及皇天零露滑兮震於珍物惟滋液滲漉之富當蟬娟蠖濩之嚴祉福著明見聞踴躍中賀恭惟 皇帝陛下秉執道妙經綸政機垂拱視朝既每勤於中辰宣和御殿不自逸於燕閒蓋雷聲淵默之所以神亦文經武緯之所由出備列學士侍從之職大集御府竒秘之書寫方丈于海中構廣寒于天上序協而璿璣察氣和而玉燭調用感格于殊祥以發揮于嘉瑞初厭浥而非

東武劉氏嘉蔭後宋本校鈔

霧乍甘美以如飴厥壤可游豈必木蘭待而後飲維德其物固知非仙掌所能承精禋之交影響如此而臣幸因官列偶直殿廡獲拱舜瞳初識天顏之喜當書堯典愧無史筆之長

賀河清表

趙鼎臣

后祇秩祀遠陳母事之儀坎德開先特薦河清之瑞表非常之景既昭至感之精通凡在見聞竊不欣抃伏惟 尊號皇帝陛下誕揚基命欽率元謨待虞舜之執中體成湯之秉哲人文煥而先穆聖風愆而普和名山既升集四靈而為畜萬物咸賴頌行葦而不傷恬淡宅中雍容垂拱天鑿丕德啓真籙以合符民戴上仁奄神區而望幸而自講求茂實俯詢僉同增修鄧上之官貯發襄城之駕威儀浸盛兼商輅以齊驅福應駢臻宣漢鼎而專美洪惟域中四大地得一以攸寧天生五材水潤下而為利稽九河之既導冠四瀆以稱尊抱維壤以縈泗合汾源而奔注舟師振楫幾汨于涇泥川后靜波俄澄于江練連銀漢而共色倅浪井以成文三門緩

激箭之流百丈見纖鱗之戲蕩邪却穢梃之無損于甘泉薦潔明  
馨用之可資於元酒寔千年之慶會同萬世以延鴻臣等將侍嚴  
祠獲覩不應願縉紳之士已拜于封章止旬浹之間又窺於列奏  
願示在廷之著位式昭希代之殊祥

賀瑞禾表

至德昭生奇祥顯見福禧稠疊遐邇懽呼中賀竊以天地有自然  
之符木石蓋無情之物方瑞文之出普俄吉命之彰吳在寶訓可  
謂丁寧豈常情所能推測恭情 皇帝陛下恩被動植孝通神明  
方恢行葦之仁躬至騶虞之應克臻景貺用告丕平臣遠將邊屯  
阻趨禁闈竊覩殊尤之慶倍深踴躍之誠

賀芝草表

趙承之

睿澤旁通真符並貺慶超今而冠古喜際華而接夷中賀竊以異  
畝表同類之祥一年見三秀之祉自昔皆以為上瑞於史罕得而  
屢書固未有合二美之殊尤鍾一氣而生發夫惟地不受寶所以

東武劉氏嘉蔭錄宋本校鈔

民無能名魏之功赫々如此恭惟 皇帝陛下天化地育雲行  
雨施道賅刑器之先治軼典墳之上故其効見每必壞奇臣屬將  
邊屯阻窺禁闈夢想千官之集聲聞萬歲之呼

賀左藏生芝草表

趙承之

九功協序震於動植之珍三秀發祥出彼貨財之府自天降福率  
土均歡中賀欽惟地產之饒積此國儲之富轉輸雲委輪奐鼎新  
比增帑藏之區方差甲乙之次仰煩睿照誕錫宸章榮奎璧之光  
輝獲金帛之氣象仍亟頌于中旨俾大發于滯財予取予求浩錢  
流之滿地我任我輦爭捆載以歸家惠深決于輿情喜頓招于和  
氣默興地寶示先天心此蓋 皇帝陛下用義理財以仁濟眾雖  
草木之微細每禁牛羊欲菽粟之質通皆如水火上帝識知其恻  
怛下民感激于愛憐故于出納之司獲此神明之貺煌々其質炳  
炳一殿符臣猥以庸虛謬當典領襲六經為七願紀瑞于史官呼萬  
歲者三敢効戢于嵩嶽

賀紅鹽表

聖神受命冠古超今川瀆炳靈產祥降嘏蓋昭示於景錄以大賚於羣生中賀伏以潤下作鹽實資惠養熬波出素厥有由來詎聞饒爾之珍効此赫然之瑞蓋必有無前之績故能興百世之符此蓋 皇帝陛下道契堪輿政平水火獨奮至剛之斷力迴既倒之瀾天無地而益親地有寶其敢愛臣方東邊障阻造闕庭貢篚常前想美梅之驟美炎精協序馳炎德之彌昌

賀王屋山天尊降表

盛德感通上真降格金簡玉札自古莫窺風馬雲車乃今親覩中賀竊以先朝秘殿肇帝祖之躬臨近歲南郊赫衆星之丕應蓋已和同而無間固宜陟降而弗違非聖孰能安負天克享恭惟 皇帝陛下力行慈實深體道樞事帝極其肅祇震于神物保民達乎仁愛播為頌聲方當定肅之陪都載緝封壘之盛典仍即仙山之勝復覩馳馭之游維申錫于休祥可揆知於天意臣久參從索遠守

東武劉氏嘉蔭後宋本校鈔

州符阻陪來賀之班第罄無種之祝

賀明堂及萬歲山祥光表

汪彥章

帝宇聯華神光並煥方真人御極游陰陽造化之功故瑞祲浮空出日月照臨之上觀瞻莫測呼舞維均中賀伏以 國家開重屋之基黃帝起明庭之壤九筵五室蓋天人精祲之交縹緲之巖本仙聖游居之地暖即穹窿之表肆陳紛郁之珍縹緲之雲龍度駢闐之風馬雖禁分南北相望丹境之中然時歷昏昕皆協素秋之半茲蓋 皇帝陛下夙夜基命清明在躬包兩儀於泰定之光飾萬福以昭回之象乃隔層霄之應坐聆羣燭之光恍若壺天金成宮闈浩如玉海虹貫山川矧臺街大獻之辰仍桂魄將圓之夜融融嘉氣示鵷行瓊瑋之觀肅衛肅靈生羽衛清虛之想亘古無有非今孰能臣等幸服邇僚欣逢嘉旣盾然可見陋祠壇三燭之祥赫爾方興明寶曆萬年之慶

賀雨表

王禹偁

自秋以來時而不降遇災而懼至誠爰禱于上玄有感則通甘澤  
忽需於下土農登有望朝野同懽中賀伏以 尊號皇帝陛下七  
政咸齊五行爲質彙畏昊穹之命焦勞刑政之源一時祇誓告災  
豐年失望宿麥播而未茁旱雲垂而不霑 陛下靡愛斯牲徧走  
羣望降廷臣而決獄御使殿以錄囚御筆搗文乙夜引萬方之罪  
清詞滙懇經旬祈五福之宮惟德動天而天不違至誠感神而神  
受賤向夕而月離畢崇朝而雲上於天散絲徧灑于焦枯比屋  
重興於耒耜豈小康之兆將書大有之年竟眉舒八彩之鬢免胎  
臣等舜樂復九成之韻大悅民心凡在含生同知大賚臣爲霖寡  
術和鼎備員方期冊免之文以塞詔燮之咎處台司而愈愧荷聖  
感以彌深

賀雪表

臘者四時之暮所以成歲功雪者五穀之精所以滋農畝實上玄  
之垂祐表聖主之憂民凡在昌期共欣嘉瑞中賀伏惟 尊號皇

東武劉氏嘉蔭後宋本校鈔

帝陛下勤勞庶政欽順天時因百姓以爲心思躋壽域慮一夫之  
不獲常若納隍而自徂秋冬密雲不雨 陛下念兆民之稼穡憂  
七廟之業盛徹金石於堯軒減葷羶於舜醜而又京師之內饑寡  
之徒大頒金帛之資用拯飢寒之累靡神不舉有感則通遂令六  
出之祥大副三農之望連雲委積徧野霏濡彰聖德以彌光書有  
年而無愧臣方店假告忽覩休祥雖慙調燮之功但樂農登之極  
賀雪表

葛侍郎

同雲在望布清灝以垂陰密雪應期協康年而呈瑞載塗流詠薄  
海騰權恭惟 皇帝陛下體御至神幹庭元化撫五辰而致愼闕  
衆甫以咸宜致茲六出之祥來應一陽之候飛花剪水舞青女以  
縈空亘陌連阡所黃雲之若接臣承休天陛下戩台司奉萬壽之  
觴虔祝延鴻之筭引七星之履敢言燮理之功

賀雪表

蟻獲蟬娟穆若清神之邃聯翩飛洒曷然豐樂之祥璀璨宸居昭

融休氣恭惟 太上皇帝默調玉燭高祇珍臺成性存存雖獨觀  
於虛白為衆父父未庸釋於黎黔頌主璧之錯陳賸倉箱之載懌  
臣邈居下土絕跂寥天游藐姑之山既瞻冰雪占苗孫之稼豫慶  
茨梁臣無任

賀雪表

皇極之主疇既叙於時寒累年之冬兆先占於積雪繽紛六幕貴  
冒九圍恭惟 皇帝陛下綏靜嘉師財成元化嚴凝西北斂義氣  
以方升糴理南東瞻同雲之已合瑞呈禹甸喜溢堯衢臣等幸際  
昌辰欣逢休應授簡而居客右雖慚梁苑之辭為樂而與民同請  
上齊宮之對臣無任

聖宋名賢五百家播芳大全文粹卷七終

皇極之書既既於前寒涼年之天北先古於前字鏡鈔六書字  
皇九國書性 皇帝陛下鏡前嘉山形式元化嚴嚴西北數義  
以方升經理南來昭同堂之已合瑞呈為向喜並允備臣等  
昌原故道休賦授而居宮右野神里元之祥為樂而此民同  
上恭宜之對臣熱任

皇極之書既既於前寒涼年之天北先古於前字鏡鈔六書字  
皇九國書性 皇帝陛下鏡前嘉山形式元化嚴嚴西北數義  
以方升經理南來昭同堂之已合瑞呈為向喜並允備臣等  
昌原故道休賦授而居宮右野神里元之祥為樂而此民同  
上恭宜之對臣熱任

聖宋皇帝 皇百官格勞大全文粹卷之六



